

XDP

1918-yil
21-iyundan chiqqan
boshlagan

№ 10, 2024-yil
13-mart,
chorshanba (32.808)

O'zbekiston OVOZI

Ijtimoiy-siyosiy gazeta

Birgalikda ijtimoiy davlat sari!

Уй-жойлар қурилиши соҳасидаги вазифалар белгиланди



**2023 йил
МАМЛАКАТИМИЗ
БЎЙИЧА 85
МИНГТА ЁКИ 2022
ЙИЛГА НИСБАТАН
1,5 БАРОБАР
КЎП ХОНАДОН
ҚУРИЛДИ. АҲОЛИГА
17 ТРИЛЛИОН
СЎМЛИК ИПОТЕКА
КРЕДИТЛАРИ
АЖРАТИЛДИ.
АҲОЛИ СОНИНИНГ
ЎСИШИНИ ИНОБАТГА
ОЛИБ, БУНДАЙ
ИШЛАР ИЗЧИЛ ДАВОМ
ЭТТИРИЛМОҚДА.
ХУСУСАН, ЖОРИЙ
ЙИЛГИ ДАСТУР
ДОИРАСИДА 100
МИНГТА
УЙ-ЖОЙ ҚУРИШ
РЕЖАЛАШТИРИЛГАН.**

Президент Шавкат Мирзиёев 12 март кuni жорий йилда уй-жойлар ҳамда "Янги Ўзбекистон" массивлари қурилиши бўйича йиғилиш ўтказди.

Халқимизга муносиб турмуш шароити яратиш мақсадида барча ҳудудларда янги уй-жойлар барпо этилмоқда. Шу билан бирга, одамларнинг харид имкониятини кенгайтириш учун тўрт йил олдин ипотека тизимининг бозор тамойилларига асосланган янги тартиби жорий қилинди. Унга мувофиқ, ўтган даврда барча манбалардан 100 триллион сўм маблағ йўналтирилди. Буларнинг ҳисобига ҳудудларда 6 мингта кўп қаватли уй барпо этилиб, 250 минг оила янги бошлангани бўлди. Даромади юқори бўлмаган 45 мингта оилага бошланғич бадал ва фоиз тўлови учун 2,4 триллион сўмлик субсидиялар берилди.

Жумладан, ўтган йили мамлакатимиз бўйича 85 мингта ёки 2022 йилга нисбатан 1,5 баробар кўп хонадон қурилди. Аҳолига 17 триллион сўмлик ипотека кредитлари ажратилди.

Аҳоли сонининг ўсишини инобатга олиб, бундай ишлар изчил давом эттирилмоқда. Хусусан, жорий йилги дастур доирасида 100 мингта уй-жой қуриш режалаштирилган.

Йиғилишда шу борадаги чора-тадбирлар муҳокама қилинди. Аввало янги уйларнинг сотув нархи ва сифатига эътибор қаратилиб, номуаносибликлар кўрсатиб ўтилди. Мутасаддиларга қурилиш таннархини пасайтириш ва уйлар сифатини яхшилаш бўйича топшириқлар берилди. Шу мақсадда, тахлифни кўпайтириш учун кўп қаватли уй-жойлар қурилишига қўшимча ерлар аукционга чиқарилиши белгиланди.

Давлатимиз раҳбари бу соҳада аҳоли ва қурувчилар учун қатор янги имкониятлар берилишини маълум қилди.

Бу йил ипотекани молиялаштириш учун барча манбалардан

22,5 триллион сўм йўналтирилади. Жумладан, ипотека кредитлари учун қарийб 10 триллион сўм, даромади юқори бўлмаган 20 минг оилага бошланғич бадал ва фоиз тўловини қоплаш учун 2,3 триллион сўм берилди.

Пудрат ташкилотларининг айланма маблағини кўпайтириш учун 500 миллиард сўм ресурс йўналтирилади. Бунда йиллик 16 фоиз ставкада 12 ойлик имтиёзли давр билан 18 ойга имтиёзли кредитлар ажратилади.

Бу мақсадларга банклар ҳам ўз маблағларини қиритади. Қурилиш ишлари ҳамда аҳолининг уй-жой сотиб олиши учун ҳам қўшимча енгилликлар яратилади. Хусусан, энди 5 қаватли уйларни барпо этишга камида "қониқарли" ва 9 қаватли уйларга "ўрта қониқарли" рейтингга эга бўлган пудратчилар жалб қилинади. Бу – қўшимча 2 мингта яқин пудратчига йўл очиб беради.

Турар жойлар қурилишида "яшил" стандарт жорий қилинади. У асосида бунёд этиладиган уй учун пудратчиларга кредитлар бир фоиз паст, яъни йиллик 15 фоиз ставкада берилди.

Пудратчиларга кредитлар бўйича кафилик бериш ва фоиз харажати қисман қоплашга Тадбиркорлик компанияси томонидан 200 миллиард сўм йўналтирилади. Уй қурилиши учун махсус техникалар импорти бўйича берилган божхона имтиёзи яна бир йилга узайтирилади.

Бундан буён ипотека кредитлари бўйича гаровга олинандиган уйни сўғурталаш талаби бекор қилинади.

Камбағалликдан чиқариш дастурига кирган ва турар жойи ночор аҳволдаги оилаларга, "маҳалла еттилиги" тавсияси асосида, ўз ҳовлисида уй қуриш ва таъмирлашга 120 миллион сўмгача ипотека кредити ажратиш йўлга қўйилади. Бунда кредитнинг 15 фоизи ва дастлабки беш йилда фоиз ставкасининг

6 фоизгача банди бюджетдан қоплаб берилди.

Аҳолига бу борада кўмаклашишда Ипотекани қайта молиялаштириш компанияси муҳим ўрин тутди. Ўтган уч йилда унинг кредит портфели 3 триллион сўмдан ошди. Ушбу компания устав капиталини 100 миллион долларга етказиш, хоржий маблағлар жалб этишни кенгайтириш вазифаси белгиланди.

Йиғилишда "Янги Ўзбекистон" массивларини барпо этиш масалалари ҳам кўриб чиқилди.

Бугунги кунда ҳудудларда 38 та массив қурилиши бошланган. Жорий йилда яна 17 та массив бунёд этиш кўзда тутилган. Лекин айрим жойларда кечиккиш ҳолатлари бор. Масалан, Сурхондарё, Андижон, Тошкент, Самарқанд, Сирдарё вилоятларида қурилиш ишлари ортада қолмоқда.

Шу боис ҳар бир массив кесимида манзилли рўйхатни тасдиқлаб, бунёдкорлик ишларини жадаллаштириш бўйича кўрсатмалар берилди. Давлатимиз раҳбари бунда асосий талаблар – сифат, муддат ва таннарх эканини таъкидлади.

Айрим ноинсоф қурувчилар харидорлар ишончини суиистеъмол қилаётгани қайд этилар экан, улшдорлик асосида уй-жой барпо этишда аҳолини ҳимоя қилиш тизимини кучайтириш зарурлиги таъкидланди. Шунингдек, ер аукционига қатнашадиган қурилиш ва пудрат ташкилотларининг молиявий салоҳиятига минимал талаблар жорий қилиниши белгиланди.

Баъзи ҳудудлардаги эски уйлар реновация асосида янгиланиб, одамларга замонавий шароитлар яратилиши қайд этилди.

Бош вазир ўринбосари ва вилоят ҳокимлари қурилиш ишларини ташкил қилиш режалари юзасидан ахборот берди.


Манба: president.uz

БАЪЗИ МЕЪЁРЛАР СОАТЛАБ, баъзилари тез муҳокамадан ўтади



2 САҲИФАДА

Иқтидорли ёшларнинг мантиқий билимини ошириш, интеллектуал салоҳиятини юксалтириш муҳим масала. Шу мақсадда жорий йилнинг 14 март кuni Ўзбекистон Халқ демократик партияси Марказий Кенгаши ташаббуси билан Жаҳон иқтисодиёти ва дипломатия университетига «Заковат» интеллектуал ўйини бўлиб ўтади. Унда республикамиздаги 10 дан ошиқ нуфузли ОТМларидаги партия-миз ёшлари иштирок этади.



ЎСИШ ИШ ЎРНИ ДЕМАҚДИР

5 САҲИФАДА



БАЪЗИ МЕЪЁРЛАР СОАТЛАБ, баъзилари тез муҳокамадан ўтади

Олий Мажлис Қонунчилик палатасининг фаолияти ҳақида қизғин ва тизимли ҳафта давомида кўмиталарда, партиялар фракцияларида турли мажлислар, давра суҳбатлари, кенгаш йиғилишлари ва қонун лойиҳалари муҳокамалари ўтказилди.

Ҳисоботлар, мурожаатлар, парламент сўрови ва яна қатор вазифалардан ортган депутатлар қонун ташаббускорлари таклиф этаётган лойиҳаларни ўқиб чиқиши, уларга ўз фикр-мулоҳазаларини билдириши лозим. Депутатлар партия электорат ва сайловчиларнинг манфаатлари, уларнинг хоҳиш-истакларидан келиб чиқиб, ўз қарашларини баён этади. Муҳими, билдирилган фикрларнинг тўғри, асослилиги ва албатта, қабул қилиниш-қилинмаслигида.

Кеча бўлиб ўтган палата мажлисида ҳам қизғин ҳолат кузатилди. Бир неча босқичдан ўтган, чиғирликларга ё чидаган ёки чап берган лойиҳа узок муҳокама қилинди. Баҳс-мунозараларга сабаб бўлди.

Гап шундаки, Рақобатни ривожлантириш ва истеъмолчилар ҳуқуқларини ҳимоя қилиш кўмитасининг фаолиятини янада такомиллаштиришга қаратилган қонун лойиҳаси иккинчи ўқишда кўриб чиқилди. Мазкур қонун билан "Норматив-ҳуқуқий ҳужжатлар тўғрисида"ги қонунга Рақобатни ривожлантириш ва истеъмолчилар ҳуқуқларини ҳимоя қилиш кўмитасининг номини аниқлаштириш, давлат ёрдами берилишига тааллуқли лойиҳаларни ушбу кўмита билан келишиш ҳақида меъёр қўйиш назарда тутилмоқда.

Шунингдек, "Рақобат тўғрисида"ги қонунга ўзгартириш киритилиб, унга мувофиқ ҳужжалик юритувчи субъект қайси фаолият турига асосан табиий монополия субъектлари жумласига киритилса, ўша фаолият тури унинг асосий фаолият тури ҳисобланиши белгиланмоқда.

Бундан ташқари, жазолар тизимини либераллаштириш мақсадида иқтисодий жиҳатдан паст таъсир даражасига эга бўлган ҳолатлар бўйича биринчи марта рақобат соҳасида ҳуқуқбузарлик содир этган тадбиркорлик субъектларига нисбатан молиявий санкция-

лар тарзидаги жавобгарлик чораларини қўлламаслик кўзда тутилмоқда. Депутатлар муҳокама қилиш чоғида бунинг ижобий баҳолаган бўлса-да, **жавобгарликни белгилаш қонун билан эмас, қонун ости ҳужжатларга кўра амалга оширилиши белгиланаётганига эътироз билдирди.**

Таъкидландики, юртимизда ҳужжалик юритувчи субъектларга молиявий санкцияларнинг қўлланилиши 20 га яқин қонунда кўрсатиб ўтилган. Таклиф этилаётган қонун лойиҳасига кўра, молиявий санкцияни Вазирлар Маҳкамаси қарорига кўра белгилаш назарда тутилмоқда. Бу эса келгусида норозиликларни келтириб чиқариши мумкин. **Депутатларнинг фикрича, иқтисодий жиҳатдан паст таъсир даражасига эга ҳолатлар қайсилар эканини ҳужжатда кўрсатиб ўтиш тўғри бўлади.**

Ушбу эътирозларга изоҳ берар экан, мутахассис киритилаётган меъёр молиявий санкцияларнинг қандай қўлланилишини эмас, балки иқтисодий паст таъсир кучига эга бўлган ҳолатлар жавобгарликка тортилмаслигини назарда тутишни қайд этди. Бу тарифини олдиндан белгилаб беришнинг имконияти йўқлиги, рақобат тўғрисидаги қонунчилик ўзига хос хусусиятларга эгалиги ва муайян субъектив ёндашувни талаб этишини таъкидлади. Шунинг учун Вазирлар Маҳкамасининг қарори билан белгилинишига оид ҳавола киритилганини тушунтиришга уринди.

— Вазирлар Маҳкамасининг қарори билан белгилашнинг имкони борми, бор. Сиз эса қонунда субъектга индивидуал ёндашилади, дейсиз. Ахир бу орқали ўз фикрингизга ўзингиз қарши чиқярсиз, — деди Қонунчилик палатаси Спикери Нурдинжон Исмоилов. — Бу билан хоҳласангиз иқтисодий таъсир даражаси паст деб топасизлар, хоҳламасангиз, йўқ. Шунинг учун бу масалани қонунда қатъий белгилаб қўйиш зарур. Яна бир эътироз эса тахририй жиҳатга қаратилган. Масалан, ҳуқуқат қарорига иқтисодий таъсир паст ҳолатлар, деб кўрсатилган. Бу тушунарли. Сизлар эса жумлани иқтисодий жиҳатдан паст таъсир даражасига эга бўлган бузилиш-

лар, деб айлантiryапсизлар. Мазкур жумла қай даражада тўғри бўлади? Шунинг ҳам ўйлаб кўриш керак.

Бир соатга яқин вақт давомида қизғин муҳокама қилинган қонун лойиҳаси депутатлар томонидан маъқулланди. Табиийки, ўз позициясида қатъий турган палата вакиллари қарши овоз берди. Шу тариқа аввалги мажлисда кўмитага қайтарилган лойиҳа бу сафарги босқичдан ўтиб олди.

Палата мажлисида, шунингдек, "Сув ресурсларини бошқариш тизими янада такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида"ги қонун лойиҳаси иккинчи ўқишда муҳокама қилинди.

Аввалроқ ушбу лойиҳа ЎзХДП фракцияси йиғилишида кўриб чиқилган эди. Таклиф этилаётган ҳужжатга кўра қонунга муҳим ўзгартиш ва қўшимчалар киритиш назарда тутилмоқда. Лойиҳада **маҳаллий Кенгашлар сув лимитини тасдиқлаш эмас, белгилашни назарда тутувчи меъёр кўрсатилгани** депутатларда саволларни юзага келтирди.

Шарофиддин НАЗАРОВ, Олий Мажлис Қонунчилик палатасидаги Бюджет ва иқтисодий ислохотлар кўмитаси раиси, ХДП фракцияси аъзоси:

— Аввалги ўқишда ҳам ўз эътирозларимизни билдирган эдик. Амалда фермер ва деҳқон ҳўжаликлари ҳамда бошқалар учун лимитлар сув истеъмолчилари уюшмалари томонидан белгиланаётган эди. Бунда бевосита ҳар битта субъект бўйича сарфланадиган меъёр аниқланади. Биргина туманда турли тоифдаги минглаб истеъмолчи мавжуд. Ҳар битта истеъмолчи билан алоҳида шартнома тузилган равишда сув етказилар эди. Қонунда назарда тутилган тартиб механизми қандай амалга оширилади? Умумлашган лимит, деган тушунчанинг маъносини очиклаб беринг. Чунки бу жумланинг ўзи умумий бўлиб, қабул қилинган сўнг тушунмовчиликларга сабаб бўлиши ёки умуман ишламайдиган нормага айланиб қолиши мумкин.

Рашанбек БЕГМАТОВ, Аграр ва сув ҳўжалиги масалалари кўмитаси аъзоси:

— Сув истеъмолчилар уюшмаси фермерлар кесимида ишлаган бўлса, эндиликда бу борада махсус хизмат фаолият олиб боради. Экин туридан, жой ҳажми ва бошқа жиҳатлардан келиб чиқиб, лимит аниқланади ва қайси декадада қанча сув талаб қилиниши каби меъёрлар ишлаб чиқилади. Туманлардан олинган маълумот вилоят кишлоқ ҳўжалиги бошқармасига боради. Шу тариқа умумлаштирилиб, лимит тақдим этилади. Масалан, бир туманда 100 куб сув сўралган бўлса ва қутилаётган сув 80 куб бўлса, 20 фоиз лимит пропорционал равишда қайта ишлаб чиқилиб, Кенгашга киритилади. Бунда ўрганишлар натижалари ва унинг асосида ишлаб чиқилган лимитни депутатлар тасдиқлаш орқали белгилайди.

Мақсуда ВОРИСОВА, Олий Мажлис Қонунчилик палатасидаги ЎзХДП фракцияси аъзоси:

— Биламизки, сув стратегик ресурс, унинг тўғри тақсимланиши жуда муҳим саналади. Маҳаллий Кенгаш лимитни тасдиқлаб бериши мумкин, холос. Чунки бу ерда жавобгарлик, масъулият масаласи турибди. Баъзи бир фермер ёки деҳқон ҳўжалигида эътироз бўлса, депутатларга билдира олмайди. Сабаби, лимит сессия қарори билан белгиланган бўлади. Лекин давлатдан маош олиб ишлаётган соҳа мутахассислари бунга жавоб бериши керак. Шунинг учун депутатлар белгиламайди. Яъни, лимитни белгилаш масъулияти давлат идораларида қолиб, тасдиқлаш, кўриб чиқиш депутатлар зиммасига қўйилиши лозим. Зеро, тасдиқлаш ва белгилаш икки хил юридик тушунча. Бу ишни кишлоқ ҳўжалигининг эгаси, мутахассиси белгилаши тўғри бўлади. Мазкур моддани яхшилаб ўйлаб кўриш зарур.

Ялли йиғилишда фракция мажлисида кўтарилган шу каби таклифлар лойиҳа ижодкорлари томонидан инобатга олингани таъкидланиб, депутатларга миннатдорчилик ҳам билдирилди.

Зилола УБАЙДУЛЛАЕВА, Ўзбекистон ХДП Ахборот хизмати раҳбари.

Йилдан-йилга дунёда глобаллашув жараёнининг шиддатли тус олаётганига гувоҳ бўляемиз. Глобаллашувнинг ўзига яраша шартлари, талаблари мавжуд. Энг муҳим хусусиятларидан бири унда чегара тушунчаси жуда нисбий ва оддийдир.

Яқинда Ўзбекистон Жаҳон савдо ташкилотига аъзо 11 давлат билан музокараларни якунлагани ҳақида хабарлар тарқалди. Улардан 9 таси билан бозорга чиқиш бўйича икки томонлама музокараларни якунловчи протоколлар имзоланган, яъни келишувга эришилган бўлса, Шри-Ланка ва Таиланд билан келишиш жараёнлари якуний босқичдалиги айтилган.

Юртимизнинг ниҳоят, бу ташкилотга аъзо бўлиши қутилаётгани ҳақидаги хабар, тўғриси, одамни хурсанд қилади. Янгиланаётган Ўзбекистон барча нуфузли ташкилотларда ўз ўрни ва сўзига эга бўлишини қаерда бўлмасин, нима иш қилмасин, ҳар бир ватандошимиз хоҳлайди.

БУ ҚАНДАЙ ТАШКИЛОТ?

Жаҳон савдо ташкилоти глобал савдо-сотиқни тартибга солишчи, ишчи кучи ва маҳсулотларнинг эркин ҳаракатини назарда тутувчи халқаро умумташкилот ҳисобланади.

Савдодаги тўсиқларни босқичма-босқич камайтиришга қаратилган эллик йиллик музокаралар натижасида вужудга келган кўп томонлама ташкилот ҳисобланади. Ташкилот 1995 йил 1 январда "Тарифлар ва савдо бўйича Бош келишув"нинг эволюцияси сифатида вужудга келган. У глобал савдонинг осонлаштирадиган марказий орган сифатида фаолият юритади.

Ташкилот аъзо давлатлар ўртасида савдо битимларини музокаралар олиб бориш ва ҳар қандай савдо низоларини ҳал қилиш учун умумий платформа яратди. У 60 та халқаро ҳуқуқ мақомига эга ва 300 га яқин минтақавий савдо битимларини бошқаради. Бугунги кунда ташкилотга 164 давлат аъзо саналади.

Мақсади аъзоларига савдодан турмуш даражасини ошириш, иш ўринлари яратиш ва одамлар ҳаётини яхшилаш воситаси сифатида фойдаланишга ёрдам беришидир. ЖСТ томонидан савдо қондаларининг глобал тизимини бошқаради ва ривожланаётган мамлакатларга савдо салоҳиятини оширишга кўмаклашади.

ВАЗИРЛАР КОНФЕРЕНЦИЯСИ

ЖСТ вазирлар конференцияси ҳар икки йилда бир марта йиғилиб, савдо келишувлари бўйича муҳим қарорлар қабул қилади. Вазирлар конференцияси ЖСТ доирасида тузилган барча кўп томонлама битимларнинг ҳар қандай жиҳатлари бўйича қарор қабул қилиш ваколатига эга.

Конференция ЖСТнинг барча аъзоларидан вакиллари ўз ичига олади. **Иқтисодиёт ҳажми ёки халқаро савдодаги улушидан қатъи назар, у барча аъзоларига тенг вакиллик беради.** Уни ЖСТнинг қонун чиқарувчи тармоғи, деб ҳисоблаш мумкин.

КОТИБИАТ

Ташкилот унга аъзо давлатлар томонидан бошқарилса-да, унинг фаолиятини мувофиқлаштирувчи Котибиятсиз тасаввур қилиб бўлмайди. **Котибият кундалик фаолиятни олиб боровчи орган ҳисобланади, унда 600 дан ортик ходим ишлайди.** У ердаги экспертлар, ҳуқуқшунослар, иқтисодчилар, статистиклар ва алоқа бўйича мутахассислар аъзоларга музокаралар муаммосиз ўтиши, халқаро савдо қондалари тўғри қўлланилишини таъминлаш мақсадида **мажбурий тартибда** ёрдам беради.

Котибият барча аъзо давлатларнинг вакиллари билан иборат бўлиб, кундалик фаолиятга келганда Вазирлар конференциясининг вакили сифатида ишлайди.

Котибият таркибида Савдо сиёсатини юритувчи, Низоларни ҳал қилувчи органлар ҳам мавжуд. Жумладан, **савдо сиёсатини юритувчи орган** аъзо ҳуқуқматлардан ўз маълумотидаги амалдаги қонунлар ва қабул қилинган чоралар тўғрисида Ташкилотни хабардор қилиш орқали ўз савдо сиёсатини шаффоф қилишни талаб қилади.

ЖСТнинг турли кенгашлари ва кўмиталари ушбу талабларга риоя этилишини ва ЖСТ келишувларининг тўғри бажарилишини таъминлашга интилади. ЖСТнинг барча аъзолари ўзларининг савдо сиёсати ва амалиётларини даврий равишда текшириб туришлари

керак, ҳар бир текширув тегишли мамлакат ва ЖСТ Котибиятининг ҳисоботларини ўз ичига олади.

Ташкилотнинг **Низоларни ҳал қилиш органи** аъзо давлатлар ўртасидаги савдо низоларини ҳал қилиш учун масъулдир.

Ушбу орган "Низоларни ҳал қилиш бўйича келишув"га мувофиқ савдо низоларини ҳал қилиш ва савдо оқимининг муаммосиз ўтишини таъминлаш учун жуда муҳимдир.

Мамлакатлар, агар улар келишувлар бўйича ҳуқуқлари бузилган деб ҳисобласа, Ташкилотга мурожаат қилиши мумкин. Шунингдек, Апелляция институти ҳам мавжуд бўлиб, унда аъзо давлатлар низоларни ҳал қилишда уларга қарши чиқарилган ҳар қандай қарорлар устидан шикоят қилиши мумкин.

БИТИМЛАР ҚАМРОВИ КЕНГ

Жаҳон савдо ташкилоти битимлари товарлар, хизматлар ва интеллектуал мулкни қамраб олади. Битимлар алоҳида мамлакатларнинг божхона тарифларини ва бошқа савдо тўсиқларини пасайтириш, хизматлар бозорларини очиб қилиш бўйича муаммосиз ўтишини таъминлаш учун жуда муҳимдир. Одатда битимларда низоларни ҳал қилиш тартиби ҳам белгиланади. Бу келишувлар ўзгармас хусусиятга эга эмас. Улар вақти-вақти билан қайта кўриб чиқилиши ҳамда пакетга янги шартномалар қўшилиши мумкин.

Ташкилот келишувларида ривожланаётган мамлакатлар учун **махсус шартлар** мавжуд. Хусусан, битимлар ва мажбуриятларни амалга ошириш учун узокроқ муддатлар белгиланади. Уларнинг савдо имкониятлари ва салоҳиятини ошириш чоралари кўрилади.

Шу билан бирга, низоларни ҳал қилиш ва техник стандартларни жорий этишда ёр-

дам бериш каби имтиёзлар кўзда тутилади. Бундан ташқари, Ташкилот ҳар йили ривожланаётган мамлакатлар учун юзлаб техник ҳамкорлик миссияларини ташкил қилади.

40 ДАН ОРТИК МАМЛАКАТ БИЛАН Халқаро майдонда савдо-сотиқ ва ишчи кучининг эркин ҳаракатланиши учун платформа яратаетган ташкилотга Ўзбекистоннинг ҳам аъзо бўлиши улкан ютуқ бўлади.

Ташкилотда ҳар бир аъзо битта овозга эга ва тўлиқ консенсусга амал қилинади. **Аъзо 164 мамлакатнинг барчаси, бир овоздан маъқулласагина янги аъзо қўшилиши мумкин.** Демак, Ўзбекистоннинг ЖСТга аъзо бўлиши тизимли ишлашни талаб қиладиган жараён ҳисобланади. **Ўзбекистон ҳозиргача 40 дан ортик мамлакат билан аъзолик масаласида музокара олиб бормоқда.** Музокара олиб бориш сони чегараланмаган.

Кейинги йилларда Ўзбекистон томонидан юритилаётган фаол ташкилоти сиёсат дунё ҳамжамияти кўз ўнгида уни жозибдор давлатга айлантириб бормоқда. Бу ЖСТга аъзо бўлишимиз учун ҳам муҳим. Сабаби, халқаро минбарларда номи янграб, ҳамжамиятнинг қулоғига чалиниб турган мамлакатга қизиқиш ҳам, муносабат ҳам бошқача бўлади.

Ташкилотга аъзолик бизни чексиз имкониятлар ва соғлом муҳит ҳукмирон бўлган дунё бозорларига олиб чиқади. Шунинг учун ЖСТга аъзолик Ўзбекистоннинг доимий кун тартибиде турган масала, бу сиёсатда ҳам, стратегияда ҳам акс этиб турибди.

Аҳмад ҚУРБОНОВ, "Ўзбекистон овози" муҳбири.



МАҚСАД ҲАМ, МАНЗИЛ ҲАМ АНИҚ



Ҳар бир инсон, у туғилгандан то умрининг охиригача бир эмас, бир неча бор тиббий хизматдан фойдаланишига тўғри келади. Иссиқ жон иситмасиз бўлмайди, дейишади. Шундай пайтлар бўладики, кўрсатилган биринчи тиббий ёрдам инсон умрини сақлаб қолади. Бемор ҳаётида ҳар лаҳза муҳим бўлган паллада шифокорлар жонимизга оро қиради. Демак, фуқаролар зарур пайтларда сифатли тиббий хизмат учун давлатга сўяна олиши керак. Бу Конституцияда кафолатланган ҳуқуқ масаласидир.
Ўзбекистон Халқ демократик партияси Сайловолди дастурида мулкчилик шакли ва молиялаштириш манбаларидан қатъи назар, барча тиббиёт муассасаларида бепул тақдим этиладиган мажбурий тиббий хизматлар рўйхатини қонун билан тасдиқлаш ғояси қўйилган эди.

ни зиммасига олди. Бир сўз билан айтганда, давлатнинг ижтимоий масъулият янада ошди. Тиббиётнинг нодавлат шакллари ривожлантириш, жисмоний тарбия ва спорт билан шуғулланиш учун шароит яратиш ишлари бундан кейин ҳам янада яхшиланади.

АЙРИМ ХУЛОСАЛАР

Агар эътибор берилса, аҳоли соғлиғини муҳофаза қилиш, хусусан, шошилини ва кечиктириб бўлмайдиган тиббий ёрдамни сифатли ва вақтида кўрсатиш билан боғлиқ ҳужжатлар кейинги йиллар ичида қабул қилиниб, ҳаётга жорий этилмоқда. Мухтож одамлар керак пайтда зарур хизматлардан фойдаланиш имкониятига эга бўлмоқда. Бу давлатнинг нафақат ижтимоий масъулияти, балки иқтисодий куч-қудрати ҳам халқимиз эҳтиёжларига муносиб даражада ошаётганини билдиради.

Факт ва далиллар, ислохотлар кўлами партиямиз дастурида белгиланган вази-фаларга босқичма-босқич эришилаётганини кўрсатмоқда. Яъни, мулкчилик шакли ва молиялаштириш манбаларидан қатъи назар, барча тиббиёт муассасаларида бепул мажбурий тиббий хизмат кўрсатишнинг белгиланиши давлат ва жамиятимизнинг яна бир ютуғи, ижтимоий ҳимоянинг муҳим кафолатидир.

Ҳозирда Соғлиқни сақлаш вазирлиги бепул тиббий хизматлар пакетини тасдиқлаб бермоқда. Зарур ҳолларда унга ўзгариш ёки қўшимчалар киритилиб, тасдиқланади.

Шошилини ва кечиктириб бўлмайдиган тиббий ёрдам, ҳаёт учун хавф туғдирувчи ҳолатларда хизмат кўрсатиши рад этиш тақиқланиши яна бир муҳим ўзгаришдир.

ДАВЛАТ ТИББИЙ СУҒУРТАСИ КАФОЛАТДИР

Сирдарё вилоятидаги тажриба асосида босқичма-босқич жорий этилаётган суғурта тизимида аҳоли пул тўламайди, суғурта доирасида ҳар бир фуқаронинг саломатлиги кафолатланган пакет асосида давлат бюджети маблағи ҳисобидан суғурта қилинади. Бу ҳам бепул тиббий хизматни кафолатлашда катта аҳамиятга эга.

Тиббиёт соҳасида суғурта тизимининг тўлиқ йўлга қўйилиши соғлиқни сақлаш тизимига ажратилаётган маблағлар доирасида бирламчи тиббий-санитария ёрдами улуши ошишига, аҳолининг ижтимоий заиф тоифалари вакиллари сифатли тиббий хизмат билан таъминланганлик даражасини оширишга, тиббий хизматлар бозорида очиклик ва шаффофликни таъминлашга, аҳолининг тиббий ёрдам учун тўғридан тўғри тўловлари даражасини камай-тиришга хизмат қилади.

Шунингдек, аҳолига давлат томонидан кафолатланган тиббий ёрдам кўрсатишга хусусий тиббиёт ташкилотларини жалб қилган ҳолда тиббий хизматлар бозорида рақобат муҳитини ривожлантириш имкониятини яратди.

Хулоса ўрнида айтганда, Халқ демократик партияси имкон даражасида кўпроқ тиббий хизматлар бепул бўлиши, бу орқали хусусий тиббиёт муассасаларига босим ошиши тарафдори эмас. Ҳамма-си Конституция асосида қонун доирасида ва чегарасида бўлиши муҳимдир. Ва бу реал ҳаётимизда, кўз ўнгимизда босқичма-босқич амалга ошмоқда.

Лазиза ШЕРОВА,
"Ўзбекистон овози" муҳбири.

БЕПУЛЛИГИ ЭМАС, КАФОЛАТЛАНГАНИ МУҲИМ

НИМА УЧУН МУҲИМ?

Тасаввур қилинг, йўлда кетаётган кишининг нохосдан қон босими кўтарилди. Унга зарур тиббий ёрдам кўрсатилмаса, ҳаёти хавф остида қолади. Бундай шароитда ҳудудга яқин жойдаги тиббиёт муассасасига мурожаат қилиниши аниқ. Мулкчилик шакли, молиялаштириш манбаларидан қатъи назар, ушбу муассаса беморга хизмат кўрсатиши керак. Яъни, у хоҳ давлат муассасаси бўлсин, хоҳ хусусий клиника. Чунки гап инсон ҳаёти ҳақида кетмоқда, унга биринчи тиббий хизмат кўрсатилиши шарт.

Тиббиёт тизимидаги ислохотлар зарурати тез тиббий ва шошилини ёрдамга эҳтиёж сезилганда яққол кўринади. Инсон соғлиғи ва унинг ҳаётини сақлаб қолишдаги биринчи масъулиятни бўйнига оладиган, ҳар бир дақиқа, керак бўлса, ҳар бир сония оралиғида биринчи ёрдам кўрсатиш, олтинга тенг ҳар оннинг аҳамиятини тушуниш осон эмас, аслида. Анча йиллар давомида эътибордан четда қолиб келган ушбу тизим тиббиёт соҳасининг одамларга яқинлигини, яхшилигини кўрсатувчи кўзгудир.

НИМА ЎЗГАРДИ?

Энг муҳим ва керакли ўзгаришлардан бири Президентимизнинг 2018 йил 25 январдаги "Шошилини тиббий ёрдам тизимини жадал тақомиллаштириш чора-тадбирлари" тўғрисида қарорининг қабул қилиниши бўлди.

Унга асосан, шошилини ва кечиктириб бўлмайдиган тиббий ёрдам, мулкчилик шакли ва бошқарувидан қатъи назар, барча тиббиёт муассасаларида аҳолига бепул кўрсатилиши ва ҳаёт

учун хавф туғдирувчи ҳолатларда тиббиёт муассасаларига шошилини тиббий ёрдам сўраб мурожаат қилган шахсларга малакали тиббий ёрдам кўрсатиши рад этиш тақиқланиши белгиланди.

Ушбу қарор билан илгари тиббиётимиз тарихида кузатилмаган бир қатор муҳим янгиликлар жорий этилди. Яъни, мамлакатимиздаги барча тиббиёт муассасалари ҳаёт учун хавфли дамларда шошилини тиббий ёрдам сўраганларга бепул хизмат кўрсатишлари кафолатланди.

Шунингдек, қарор орқали тез тиббий ёрдамни чақиришга мўлжалланган туну кун ишлайдиган, ягона телефон рақамининг узлуксиз фаолиятини таъминлайдиган Call-марказлар ташкил этилди. Янгидан ташкил этилган Call-марказларда кўнгирокларга шифокорлар жавоб берадиган бўлди.

ТРАНСПОРТСИЗ ТЕЗ ХИЗМАТ БЎЛМАЙДИ

Илгари тез тиббий ёрдамга мўлжалланган автотранспорт воситалари ҳатто 10-12 йиллаб ишлатиларди. Оқибатда манзилга ўз вақтида етиб бориш, беморни тиббиёт муассасасига етказиш каби вазифаларни бажаришда муаммолар кузатилади эди.

Ҳозир эса тизим бутунлай бошқача. Автотранспортлар шаҳар жойларда ҳар 8 йилда, қишлоқ жойларда эса ҳар 7 йилда янгиланиб борилади. Шунингдек, тез тиббий ёрдам хизматининг иختисослаштирилган автотранспортлари замонавий тиббий усқуналар ва рақамли радиоалоқа воситалари (рациялар) билан жиҳозланди.

Ўтган даврда соғлиқни сақлаш тизимини

янги босқичга олиб чиқишга қаратилган 300 дан ортиқ қонунчилик ҳужжати қабул қилиниб, ҳаётга татбиқ этилмоқда. Тиббиёт муассасалари тармоғи янада кенгайди, халққа яқинлашди.

Масалан, охириги беш-олти йилда 200 дан зиёд оилавий поликлиникалар ва оилавий шифокорлик пунктлари қайтадан ташкил этилди. Олис ва чекка аҳоли пунктларида 1000 дан ортиқ "маҳалла тиббиёт пунктлари" ташкил этилди. Қишлоқлардаги 800 дан ортиқ оилавий поликлиникаларни замонавий таъхис аппаратлари билан таъминлаш орқали қишлоқ ва маҳаллаларда 8 турдаги янги тиббий хизматлар йўлга қўйилгани ҳам тиббий хизматни кафолатлаш билан боғлиқдир.

ЯНГИЛАНГАН КОНСТИТУЦИЯ ВА ЯНГИ НОРМАЛАР

Ўтган йилда қабул қилинган янги тахрирдаги Конституциямизда аҳоли саломатлигини асраш билан боғлиқ нормалар 4 баробар кўпайди. Мустақкам ҳуқуқий асос яратилди.

Бош қомусимизда ҳар ким соғлиғини сақлаш ва малакали тиббий хизматдан фойдаланиш ҳуқуқига эгаллиги, Ўзбекистон Республикаси фуқаролари тиббий ёрдамнинг кафолатланган ҳажмини қонунда белгиланган тартибда давлат ҳисобидан олишга ҳақли эканлиги белгилаб қўйилди.

Ҳаммининг шароити, яшаш тарзи бир хил эмас, лекин ҳуқуқлар тенгдир. Аҳолининг шундай қатламлари борки, пулли асосда ёки хусусий шифохоналар хизматидан фойдаланишга имконияти етмаслиги мумкин. Шундай вазиятда давлат ўз фуқаросини кафолатланган тиббий хизмат билан таъминлаш мажбурияти-



Назира МАТЯҚУБОВА,
Қорақалпоғистон Республикаси Жўқорғи Кенгесидаги ЎзХДП генруҳи аъзоси, Ўзбекистон Республикасида хизмат кўрсатган журналист:

— Президентимизнинг Халқаро хотин-қизлар кунига бағишланган тантанали маросимдаги нутқида келтирилган ҳазрат Навоийнинг бу ҳикмати жумлалари юртимизда буюк она сиймоси, мўтабар аёл зоти асрлар оша қадрланиб келинаётганини кўрсатади.

Бугунги кунга келиб аёл, она қонуний ҳақ-ҳуқуқларга, касб-корга, билим-салоҳиятга, катта имконият ва шароитларга эга бўлган замонавий аёл сифатида хурмат-эҳтиромга чулганмоқда. Жамиятнинг барча жа-бахаларида ақл-заковати билан ўзини намоён эта олмақда. Зеро, бутун халқимиз, хотин-қизларимиз учун фаровон ҳаёт барпо этиш, ҳар томонлама қўллаб-қувватлаш, орзу-мақсадларга имконият яратиш давлат сиёсатининг устувор йўналиши этиб белгиланган.

Рақамларга назар ташлайлик. Хотин-қизларнинг давлат бошқарувидаги улуши 2017 йилдаги 27 фоиздан 35 фоизга етгани, кейинги 5 йилда Ўзбекистонда ишбилармон аёллар сафи икки баробар кенгайиб, ўз бизнесини йўлга қўйган тадбиркор хотин-қизлар сони 205 мингдан ошгани, ўтган йилнинг ўзида эса 147 нафар хотин-қиз-

МАЪРИФАТ ЙЎҚ ЖОЙДА ЭЗГУЛИК ҲАМ БЎЛМАЙДИ "Жаннат боғидан баҳрамандлик истар экансан, аввало, мунис онани рози айлагин"

лар фан доктори, 1 минг 238 нафари фалсафа доктори илмий даражасига эришгани, олийгоҳларда таълим олаётган 1 миллион 300 минг нафарга яқин талабанинг ярмидан кўпи яъни, 653 минг нафардан зиёдини, магистратурада ўқиётган ёшларимизнинг қарийб 60 фоизини қизлар ташкил этаётгани ҳар биримизда чексиз фахр-ифтихор туйғуларини ўйготди.

Албатта, бундай катта ва муҳим натижалар узокни кўзлаган чоралар орқали амалга ошмоқда. Бу осонлик билан бўлиб қолаётгани ҳам йўқ. Аёлларнинг, хусусан, қиз боланинг ўқиб, олий маълумотли бўлиши, касб-ҳунар эгаллаши оила бахти, фарзандлар камоли учун, шу асосда бутун жамият равнақи учун хизмат қилади, дея таъкидлади давлатимиз раҳбари ўз нутқида.

Юртимизда хотин-қизларимизнинг ижтимоий ёрдамга муҳтож қатламларига ҳам алоҳида эътибор қараталаётганидан барчамиз хабардоримиз. Ҳаётини муаммолар тизимли ҳал этилаётгани қанчадан-қанча аёлларнинг орзу-умидлари рўёбга чиқишига хизмат қилмоқда.

Уй-жойли бўлиш оила мустақамлигининг энг муҳим асоси, муқаддас кўрғонидир. Шу жиҳатдан хотин-қизларга ажратилган 6 триллион сўмлик ипотека кредитлари ҳисобидан 25 мингдан зиёд оилалар ўз уйларига эга бўлгани, бу борада 6 минг 200 нафар аёлга уй-жой шароитини яхшилаш ва кредитнинг бошланғич

бадалини тўлаш учун 200 миллиард сўм субсидия ажратилгани оилалар, айниқса, унда камол топаётган фарзандларга қанчалик қувонч бахш этганини тасаввур қилиш қийин эмас.

Ўтган йилнинг ўзида "Аёллар дафтари" бўйича 1 триллион 234 миллиард сўм ҳисобидан қарийб 994 минг нафар хотин-қизнинг муаммоси ҳал этилган, ижтимоий ёрдамга муҳтож 690 мингдан зиёд оилага манзилли ёрдам кўрсатилган. Ижтимоий ҳимояга муҳтож оилаларнинг вакиллари, етим қолган ёки ота-она қарамогидан маҳрум бўлган 2 мингдан зиёд талаба учун 14 миллиард 500 миллион сўм контракт пули маҳаллий бюджетлар ҳисобидан қоплаб берилган.

Ёшлар ва бизнесни қўллаб-қувватлаш йили давлат дастурида белгиланган вазифаларга эътибор қаратадиган бўлсак, бу каби эзгу ишларнинг давоми сифатида хотин-қизларнинг соғлиғини мустаҳкамлаш, уларнинг бандлигини таъминлаш, аёллар тадбиркорлигини ривожлантириш, ижтимоий ҳимоясини кучайтириш масалаларига янада кучли эътибор қаратилганини кўраимиз.

Президентимиз ўз нутқида бугунги таҳликали замонда жаҳон миқёсида кучайиб бораётган радикализм, экстремизм, терроризм, одам савдоси, гиёҳвандлик, ҳаётга енгил-елпи, истеъмоличлик кайфияти билан қараш каби хатарлардан ёшларимизни ҳимоя қилиш ўта долзарб масалага айланаётганини таъкидлаб, юрти-

миздаги барча аёлларга мурожаат қилди.

Дарҳақиқат, оилада фарзанд тарбиясига эътиборни кучайтириш, боғча, мактаб ва олийгоҳларга кириб бориш, ўқитувчи ва мураббийлар билан кўпроқ мулоқот қилиш, фарзанд ва набираларимизнинг ўқиши, давома-ти масаласи, ахлоқ-одоби билан қизиқиш биз аёллар, оналар, бувижонларнинг асосий вазифамиз бўлмоғи лозим.

Чиндан ҳам болаларимизни билимли ва ақлли, оқни қорадан ажрата оладиган, эл-юртимизга содиқ, мустақкам иродали инсонлар этиб тарбиялаш учун барчамиз биргаликда ҳаракат қилишимиз зарур. Тан олишимиз керак, орамизда шон-шухрат орттириш, ҳашаматли ҳаёт қуриш ёки оддий кундалик ташвишлар билан ўралашиб, фарзанди тарбиясига бепарқ бўлаётган, ўқитувчиси, тарбиячиси билан мулоқот қилиб, ўғли, қизи ёхуд набирасининг хулқ-атвори, ўқиши, давомати хусусида ойда-йилда бир марта бўлса ҳам сўраб-суриштирмайдиган аёллар ҳам йўқ эмас.

Фарзанд тарбияси болани оқювиб, оқ тараш, яхши едириб-ичириш, яхши кийдиришига эмас, балки унинг онг-тафаккури, билим-савияси, дунёқаролини ҳам тарбиялаш демек-ди. Жаҳид болаларимиздан бири Абдулло Авлоний бола тарбияси аввало онанинг вазифаси экани ҳақида бе-жизга хулоса қилмаган, албатта. Бу тарихимизда ўз исботини ҳам

топган. Зеро, биз асрлар давоми-да фахрлиниб келаётган, диёримиз доврғини дунёга танитган буюк алломаларига, адиб ва шоирларимизни дунёга келтириб, бутун борлигини фидо қилиб тарбиялаган Сароймулкхоним, Гавҳаршодбегим, Нодирабегим, Увайсий каби оқила, доно оналаримизни бир эслайлик. Аёл зоти учун жуда оғир бўлган даврларда улар қилган ишларни, шундай катта шароит ва имкониятлар замонида яшаб биз қила олмаймизми?..

Президентимиз ўз нутқида маъна-вий тарбия ишларини энди мутлақо янгича усулда олиб боришимиз кераклигини, "Эзгулик – ширимиз, маърифат – қуролимиз", деган ғоя асосида бу жараённи аввало оилалар, маҳал-ладан бошлашимиз лозимлигини таъкидлади. Бу пурмаъно фикр устида чуқурлашадиган бўлсак, дарҳақиқат, эзгуликни шир қилар эканмиз, маърифатли бўлишимиз керак, маърифат йўқ жойда эзгулик ҳам бўлмайди, деган хулосага келамиз. Демак, бугун оилага ҳам, фарзанд тарбиясига ҳам маърифат билан, ақл-идрок билан ёндашиш чоғидир.

Бундай ёндашуви ҳаётга татбиқ этиш хотин-қизлар ташкилотлари, маҳалла фаоллари ёки тарғиботчилар, ҳаёт неъматларидан баҳраманд бўлиб умргузаронлик қилаётган, фарзанд кўриб оналик мақомига, набира қўлиб момолик мақомига мушарраф бўлган ҳар бир аёлнинг қалб ишига айланмоғи лозим.



ҚАЛБ ТАРЖИМОНИ



Гулнора Маҳкамова 27 йилдан бери Карлар жамиятида ишлайди. 1980 йил Тошкент шахрида туғилган, 17 ёшидан сурдотаржимонлик қилади. Ҳаётининг ярмидан кўпини эшитиш ва гапириш имконияти чекланган инсонларга сарфлаган. Сўхбатдошимиз узоқ йиллардан буён расмий тадбирлар, ташрифлар, турли янгиларни телевидение орқали сурдо тилида таржима қилиб келади.

БОЛАЛИК

— Оилада ягона фарзандман. Ота-онам болалигимдан шифокор бўлишни орзу қилган. 11 синфга қадар айни ҳаёллар билан яшаганман. Тақдиримга имо-ишора тилини ўрганиб сурдотаржимон бўлиш ёзилган экан. Бундан жуда ҳам мамнунман. Чунки юртимиздаги 33 мингдан ортиқ инсонга ёрдамим тегадиган соҳада ишлайман. Буни ҳис қилиш эса менга ҳамма куч беради.

Сурдотаржимонлик касбини танлашимга сабаблар кўп бўлган. Улардан биттаси отанам эшитмайдиган инсонлар ишлайдиган корхонада меҳнат қилган. Болалигимдан уларнинг қўл ишоралари орқали мулоқот қилишларини кўриб, улғайганман. Кейинчалик ўша нигоҳларга меҳрим ортди ва шу сабабли сурдо тили мутахассиси бўлганман.

ҲАР ДОИМ ЯХШИЛИККА УМИД ҚИЛАМАН

Бир неча йил олдин жамиятга бир оила уй олишда ёрдам сўраб келди. Уларнинг 3 нафар фарзанди бўлиб, ҳеч бири эшитмас экан ва улар бир хонали уйда яшар экан. Қайси туманлигини айтмайман, лекин биринчи бош урган жойимиз ҳокимият бўлди. У ердигилар жуда ҳам кўпол равишда жавоб беришди. Ижтимоий уйлар йўқлиги, фақат субсидияга уй берилишини айтишди. Лекин доимий иш жойига эга бўлмаган одамларда кредит қарздорлигини ёпишга имкон йўқ. Олган жавобимиздан қониқмаган бўлсак-да, мурожаат қилишдан тўхтамадик. Ҳар бир рад жавоб олганимизда жуда қаттиқ хафа бўлсам ҳам, бу масала менга тинчлик бермади.

Тошкент шаҳар ҳокимлигига борганимизда улар бизни тушунди. Вазиятни ўрганишда ва чиндан ҳам ушбу оила уйга муҳтож, деган хулосага келинди. Оилага 3 хонали уй беришди. Бу хабарни эшитганимда, тўғриси, қўлоқларимга ишонмадим. Янги уйни топшириш маросимига борганда кўзларимдан ёш тинмади. Бу воқеа менга умид берди. Яхшилик қилишга ҳамма интилиш зарурлигини яна бир бор исботлади.

ИЖТИМОЙ ЁРДАМЧИЛАР — СУРДОТАРЖИМОНЛАР ЕТИШМАЙДИ

Пойтахтимизда 3 минг нафарга яқин эшитмайдиган инсонлар бор. Қўшиб айтганда, улар учун 15 нафар сурдотаржимон бор. Бу жуда кам дегани. Шундан келиб чиқиб, вилоятлар ва чекка ҳудудлардаги ҳолатни тасаввур қилиш қийин эмас.

Менимча, эшитиш ва гапиришда ногиронлиги бўлган инсонларнинг фарзандлари тайёр сурдотаржимон бўлиб вояга етди. Чунки сурдо тили бу болаларнинг ўз она тилидек ва уларга махсус таълим ҳам шарт эмас. Имо-ишоралар орқали тил чиқарган инсонлар яхши мутахассиси бўлишига асло шубҳам йўқ. Фақатгина бундай кишиларга имконият

ва рағбат бериш керак. Молиявий жиҳатдан қўллаб-қувватлаш, уларга яхши иш ўринлари қилиб бериш орқали қизиқтириш мумкин, деб ўйлайман.

Масалан, икки хил таржима бўлади. Биринчиси, бу тўғридан-тўғри ёки синхрон таржима қилиш, яъни телевидение орқали намоиш этилаётган дастурлар ёки тадбирларда сўзланадиган нутқни синхрон таржима қилишдир. Иккинчиси, бу тушунтириб беришга мўлжалланган таржима. Айтайлик, эшитмайдиган инсон рул бошқарувида бўлса ва қоидабузарликка йўл қўйса ёки шифокор қабулига борганда уларнинг мулоқотига кўмаклашиш, икки шахс ўртасидаги сўзлашувни бир-бирига тушунтиришдан иборат. Ҳар икки ҳолатда ҳам мутахассисга эҳтиёж сезилади. Аммо кам сонли сурдотаржимонлар билан уларнинг барчасини қамраб олиш қийин.

ЭШИТМАЙДИГАН ИНСОНЛАРНИ ҚАБУЛ ҚИЛИШГА ТАЙЁР БЎЛИШ КЕРАК

Гапириш ва эшитишда ногиронлиги бўлган шахсларга кўмаклашиш, уларнинг истига эҳтиёж қаратишни малол олмаслик та-

рафдориман. Мисол учун, улар дўконга кирганида таржимонга эҳтиёж сезмайди. Олаётган нарсаларнинг нархини ёзиб бериш ёки компьютерда кўрсатиш орқали мулоқот қилиш мумкин.

Бироқ шифокор ҳузурига борганда таржимонга эҳтиёж сезилади. Ана шунда кўпроқ гаджетлар орқали сурдотаржимонлар билан сўхбатлашилади. Ушбу ҳолатда замонавий технологиялардан, турли иловалардан фойдаланиш имкони мавжуд. Шифокор озгина ортиқча вақтини аямасдан, иловага фикрларини, тавсияларини айтса, илова уни ёзма равишда кўрсатиб беради.

Ўтган йилдан бошлаб эшитмайдиган болалар ўқийдиган мактабларда ўқитувчиларга имо-ишора тилида дарс бериш киритилди. Унга эса фақат нутқни ривожлантириш учун мулоқотлар олиб боришган. Бу соҳада катта ютуқ ва бурилиш бўлди. Давлат раҳбарининг тегишли қарор қабул қилини ва имо-ишора тилига кўпроқ эҳтиёт берилди. Турли курслар, танловлар ташкил этиш билан боғлиқ топшириқлар қўйилди. Умуман, ўзгаришлардан мамнунмиз. Президент кўтарган ташаббусларнинг ҳаётга тўлиқ татбиқ этилиши ҳам яна жамиятга боғлиқ.

Масалан, шу тақдирлардан келиб чиқиб, имо-ишора тили курси очдим. У ерга турли

ЖУРНАЛИСТЛАР УЧУН МУҲИМ ҚЎЛЛАНМА

Қарийб 40 йилга яқин журналистика соҳасида ишлаб кўп тадбирларда қатнашганман. Ана шу жараёнларда баъзи ҳамкасбларимиз воқеа-ҳодисаларнинг моҳиятига етмасдан, билиб-билмай нотўғри талқин қилиб ёритилган ҳолатлар кўп учраган. Шунда ҳижолат чекиб, журналистларнинг касбга оид билимларини оширадиган зарур қўлланма кераклигини кўп ўйлаганман.

Кўни кеча таниқли журналист ва ҳуқуқшунос Олимжон Ўсаровнинг "Оммавий ахборот воситалари ва ахборот хизматлари: назария ва амалиёт" ўқув қўлланмасини ўқиб кўргач, бу биз учун ниҳоятда муҳим соҳавий адабиёт эканига амин бўлдим.

Мазкур қўлланмада ҳозирги даврда оммавий ахборот воситалари ва ахборот хизматларининг ўрни ҳамда роли, ўзига хос хусусиятлари, бугунги ҳолати ва истиқболлари, хусусан, ОАВ ва суд ҳокимияти муносабатларининг ҳуқуқий асослари, судлардан ахборот олиш, тарқатиш муаммолари чуқур таҳлил қилинган.

Бундан ташқари, журналист маҳорати, этикаси масалалари, сиёсий партияларнинг ғоя ва мақсадлари тарғиботи, давлат органлари, жумладан, парламентда журналистларни аккредитация қилишнинг зарурати, пресс-конференция ўтказиш, пресс-релиз ёзиш тартиб-тамоийиллари тадқиқ этилган. Бу борадаги илғор халқаро тажриба ўрганилган.

Муаллиф қайд этганидек, бугунги кунда яна бир муҳим масала, оммавий ахборот воситалари соҳасидаги қонун ҳужжатларига шарҳ берилишга эҳтиёж мавжуд. Чунки, кўп ҳолларда ахборот сўралган органлар ва мансабдор шахслар оғзаки мурожаатга зудлик билан жавоб бериш кераклигини унутиб қўйишмоқда.

Яна бир масала шуки, журналистларнинг ҳуқуқий саводхонлигини ошириш долзарб муаммолардан биридир. Амалиёт шуни кўрсатмоқдаки, кўпчилик журналистлар қонунда белгиланган ҳуқуқларини тўлиқ билмайди.

Олимжон Ўсаровнинг журналистика факультетларида суд-ҳуқуқ соҳасини ёритишга ихтисослашган журналист кадрлар тайёрлашни йўлга қўйиш, таҳририятларда уларнинг ҳуқуқий саводхонлигини оширишга жиддий эҳтиёт қаратиш каби қатор тақдирлар мақтовга лойиқ.

Бир сўз билан айтганда, мазкур ўқув қўлланмани матбуот, радио, телевидение ва ижтимоий тармоқларда фаолият олиб бораётган ҳамкасбларимиз ўқиб-ўрганиши, ўз фаолиятларида самарали фойдаланишлари бўлиши, деб биламиз.

Равшан ШОДИЕВ.

тоифадаги ва ёшдаги одамлар келади. Сурдо тилини ўрганишни истайдиганлар кўп. Биринчи дарсда уларнинг нима мақсадда имо-ишорани ўрганишни исташларини сўрайман. Шунда бир қиз бир неча тилни билишини, аммо кўчада имо-ишорада сўзлашувчи одамларга нафи тегмаганини айтди. "Нега энди мураккаб хорижий тилларни ўргана олган бир пайтда бу тилни билмаслигим керак? Сурдо тилини ўрганиш орқали кўча-кўйда имо-ишорада сўзлашувчи одамларга ёрдам бермоқчиман", деган жавобни айтди. Бу каби мисоллар битта эмас. Демак, жамиятимизда гапириш ва эшитишда ногиронлиги бўлган инсонларни қабул қилиш долзарблашмоқда.

УЛАР ЮМШОҚ ОДАМЛАР

Ҳозир давлатимиз томонидан кўплаб имкониятлар яратилган. Ишга ва ўқишга киришда квоталар берилган. Фақат уларни ана шу имкониятлардан фойдаланишга ундовчи кўшимча қўллар керак. Йўл-йўриқ кўрсатувчи одамларга эҳтиёжи бор.

Улар жуда юмшоқ одамлар. Тез хафа ёки аксинча, осон хурсанд бўлади. Оддий нарсалардан ҳам таъсирланиши мумкин. Тез яхши кўриб қолади. Лекин уларнинг кўнглида қолиш ҳам осон. Сабаби, улар одамнинг кўзига қараб, юз ифодаларига қараб, ҳис қила олади. Атрофдагилар уларга ёрдамни аямас, улар орасидан ҳам ноёб иқтидор эгалари чиқиши мумкин.

Тасаввур қилинг, сиз бирор бир жамоат жойидасиз. Атрофингиз эса гавжум. Ана шу пайтда қандай шовқин эшитилди ёки нимадир воқеа рўй берди. Бу ҳолатга ҳамма эҳтиборини қаратади. Лекин буларни эшитмаган ёки кўрмаган инсон бошқаларнинг ҳаракатларини тушуна олмайди. Буни англаш учун унинг тилини билладиган одамга эҳтиёж сезади. Уша пайтда кимдир уларга вазиятни айтиб берса, нақадар яхши. Бироқ аксарият ҳолларда бунинг акси бўлади ва бу эшитмайдиган ёки кўрмайдиган шахслар учун оғир. Секин-аста жамиятдан узоқлашишга, ташқарига чиқмасликка одатланади. Одамови бўлиб, жамиятдан узилиб қолади.

Шунинг учун кимгадир ёрдам қилиш истагида курсимизга келётган ёшларни кўриб, жуда хурсанд бўламан. Мен ҳам ана шулар қаторида кимгадир ёрдамим тегаётганидан бахтиёрман.

ЭСКИЧА ҚАРАШНИ ЕНГИШ МУҲИМ

Карлар жамиятида ишлаймиз ва у ерга совчилар ҳам келиб туради. Ота-оналар "иложи бўлса, гапирадиган қиз топиб беринглр", дейди. Шунда ҳайрон қоламиз. Икки хил дунёнинг одами бир-бирини қандай тушунади?

Мана шунақа пайтда хафа бўламан ва оналарга тушунтиришга ҳаракат қиламан. Бахт гапириш ёки гапирмасликдамас, бир-бирини тушуниб яшашда, дейман. Лекин ногиронлиги бўлган қизга соғлом йигит ўйлангани ҳақида эшитмаганман, кўрмаганман. Бизнинг менталитетимизда шунақа қараш бор. Гўёки эркакларга ҳамма нарса мумкин. Агар кўнгли кўйиб ўйланишни хоҳлайдиган йигитлар бўлса ҳам буни жамият қабул қилолмайди.

Дунёнинг турли мамлакатларида бўлганман ва у жойда кўзи ожиз қизга соғлом йигит ўйлангани ёки эшитишда ногиронлиги бўлган қизни олганини кўрганман. Бизда эса кўрқув бор. Гапирайдиган ўғлиги гапирмайдиган қиз олиб берса, болалари ҳам шундай туғилишидан кўрқийди. Аслида бу Яратганининг иродаси. Иккита гапирмайдиган одамнинг фарзанди ҳам гапирадиган, ҳам эшитадиган бўлиб туғилиши жуда кўп кузатилган. Ёки аксинча, соғлом одамларнинг боласи соқов бўлиб дунёга келиши мумкин.

ОТА-ОНАНГИЗДАН УЯЛМАНГ...

Бу ҳақида менга гапириш жуда оғир... Жамиятимизга бир аёл келди. У фарзанд ўстиргани, лекин боласи у билан гаплашишга уялишини айтиб, роса йўғлади. Қўчада юрганга унга имо-ишора тилида гапирмасликни, ҳамма уларга қарашидан уялишини айтар экан. Ана шунда мен аёлга "келинг, мен сизнинг фарзандингиз бўлай", дедим. Шундан кейин тез-тез жамиятимизга келиб турадиган бўлди.

Энг аввало, гапириш ва эшитишда ногиронлиги бўлган шахсларнинг болалари ота-онангиздан уялманг. Улар сизни дунёга келтириб, катта қилғунига қадар бошқаларга қараганда икки хисса кўпроқ қийналади. **Кечаси билан боласи йўғласа, билмай қолишдан кўрқиб, ухламай чиқади. Улар боласини соғ-саломат улғайтириши учун кечалари навбатчилик қилиб чиқишига тўғри келади.** Ҳаммамиз бу дунёга синов учун келганмиз. Ҳар қандай ҳолатда ҳам ота-онамиз бизнинг энг катта бойлигимиз. Ҳамма биздан воз кечиши мумкин. Фақат ота-оналаримиз ҳамма биз билан қолади. **Дунёга келишига сабабчи бўлган инсонлардан уялиш — ожизлик.**

Одамларга тилагим, сиздан минг ҳижолатда ёрдам сўраган инсонларнинг кўксидан итарманг. Улардан озгина вақтингиз, меҳрингиз ва эҳтиборингизни аяманг.

Қийинчиликлар, паст-баландликлар, турли синовлар... Гулнора Маҳкамова буларнинг барчасини мардонвор енгиб ўтган. Бу унинг эришган натижаларида, амалга ошираётган ишларида, ҳаётга, одамларга нисбатан муносабатиде яққол кўринади. Истардикки, орамизда мана шундай иродали аёллар, оналар кўпайсин.

Зилола УБАЙДУЛЛАЕВА,
"Ўзбекистон ovozi" муҳбири.



ЎСИШ ИШ ЎРНИ ДЕМАКДИР



ЖАМИЯТИМИЗ ҲАЁТИНИНГ БАРЧА ЖАБҲАЛАРИДА СЕЗИЛАРЛИ ЎЗГАРИШЛАР КУЗАТИЛМОҚДА, ОДАМЛАРНИНГ ХАБАРДОРЛИГИ, ДУНЁҚАРАШИ, СИЁСИЙ БИЛИМИ ОШДИ. ЎЗИ ШУНДАЙ БЎЛИШИ ҲАМ КЕРАК. ҲАЁТ БОР ЭКАН, ЯНГИЛАНИШГА ЭҲТИЁЖ СЕЗИЛАВЕРАДИ. ЭНДИЛИҚДА БУ НАТИЖАЛАР БИЛАН ЧЕГАРАЛАНИБ ҚОЛМАСДАН, УЛАРНИ ЯНАДА РИВОЖЛАНТИРИШ ТАЛАБ ЭТИЛАДИ.

ДАВЛАТИМИЗ РАҲБАРИ ҲАР ҲАФТА КАТТА ВОҚЕАЛАРНИНГ ИШТИРОКЧИСИ БЎЛИБ, МАМЛАКАТИМИЗНИ ЯНАДА ТАРАҚҚИЙ ЭТТИРИШ БЎЙИЧА ТАКЛИФ-ТАШАББУСЛАРИНИ БИЛДИРАДИ, ВАЗИФАЛАРНИ БЕЛГИЛАБ БЕРАДИ. ЎТГАН ҲАФТАДАГИ МУҲИМ ВОҚЕАЛАР ҲАМ ДАВЛАТИМИЗ, ҲУДУДЛАРИМИЗДА КАТТА ИСЛОҲОТЛАР БЎЛИШИГА АНИҚ ИШОРА БЕРДИ, ДЕСАК МУБОЛАҒА БЎЛМАЙДИ.

6 март куни давлатимиз раҳбари Тошкент вилоятининг туман ва шаҳарларидаги имкониятларни тўлиқ ишга солиш чора-тадбирлари юзасидан йиғилиш ўтказди.

Қайд этилдики, Тошкент вилоятида 15 та туман ва 7 та шаҳар бор. Худуд қулай географик маконда, воҳа ва водий вилоятларини пойтахтимиз билан боғлайдиган муҳим транспорт йўлагига жойлашган. Лекин вилоятнинг иқтисодий ривожини мавжуд салоҳиятга умуман мос эмас. На савдо, на ер-сув, на транспорт-транзит имкониятларидан тўла фойдаланилаёпти. Баъзи кўрсаткичлар бундай қулайликлар бўлмаган айрим чекка худудлардагидан ҳам паст.

Танқидий руҳда ўтган йиғилишда ишга солинмаётган имкониятлар, сусткашликлар кўрсатиб ўтилди. Вилоятнинг Тошкент, Зангиота, Қиравий, Юқори Чирчиқ, Ўрта Чирчиқ туманларида саноат ҳажми ёндош пойтахт туманларига нисбатан бир неча баробар камлиги танқид қилинди.

ИШЛАБ ЧИҚАРИШ КАМАЙГАН

Бир қатор кичик тадбиркорлар фаолиятини тўхтатган. 29 та йирик корхонада ҳамда Бекобод ва Янгийўл шаҳарларида ишлаб чиқариш камайган. Вилоятда экин ерлари кўп бўла туриб, Андижон билан деярли бир хил ҳажмда маҳсулот етиштирилган. Худудларнинг бор салоҳияти даромадга айланмапти. Сабаби, "ўсиш нуқталари"ни топиш ва ишга солиш бўйича ҳокимларда ташаббус етишмаяпти. Айрим ҳокимлар ҳатто ўз худудида "пастга тушмаган", тадбиркорни қўллаб-қувватлашга, иш ўринларини кўпайтиришга ҳаракат қилмаган.

Йиғилишда вилоятдаги шаҳар ва туманлар мутасаддилари ўз фаолиятида ўзгариш қилмаса, лавозимига лойиқлиги кўриб чиқиши тўғрисида огоҳлантирилди.

СУСТ ТУМАНЛАРНИНГ "ЎСИШ НУҚТАЛАРИ"

Имкониятлар яратилган. Лекин ҳамма туманларда ҳам ривожланиш бир хил эмас. Хусусан, Паркент, Янгийўл, Чиноз ва Оққўрғон туманларида туризм, транзит ва иқтисодий қулайликлар кўп бўлса-да, тараққиётдан орқада. Шу боис, улардаги ҳақиқий ҳолат, имкониятлар ва тадбиркорларнинг тақдирлари ўрганилган. Йиғилишда таҳлиллар, мазкур туманларнинг "ўсиш нуқталари" тақдимот қилинди.

Жумладан, Паркент туманининг хушманзара жойларига олиб борувчи йўللари таъмирлаш, микроавтобуслар қатновини ташкил этиш, йўл бўйида савдо ва хизмат кўрсатиш шохбечалари куриш учун тадбиркорларга ер ажратиш таклиф этилмоқда. Паркентсой, Қи-

зилсой ва Човлисойнинг муҳофаза худудини аниқ белгилаш ва қирғоқларини мустаҳкамлаш орқали бўшайдиган ерлардан самарали фойдаланиш ҳам мумкин.

Янгийўл туманида "лойиҳа қиламан, инвестиция олиб келаман", деган тадбиркорлар жуда кўп. Лекин лойиҳалар учун ер топиш муаммо. Шу боис ҳозирда бўш турган иншоотда озик-овқат ва гигиена маҳсулотларига ихтисослашган кичик саноат зонаси ташкил этиш кўзда тутилмоқда.

Чиноз туманида савдо-кўнгилочар мажмуа ва замонавий балиқ бозори барпо этиш, йўл бўйида савдо ва хизматларни кенгайтириш, хонадонларда иссиқхоналарни кўпайтириш каби имкониятлар ҳисоб-китоб қилинган.

Оққўрғонда саноат ривожланмагани сабабли кўплаб хотин-қизлар Тошкент шаҳри ва бошқа туманларга қатнаб, тўқимачилик корхоналарида ишламоқда. Шундай корхоналарни тумандаги бўш бинолар ўрнида ташкил қилиш режалаштирилган.

ЎЗБЕКИСТОН – ВЕНГРИЯ САНОАТ ЗОНАСИ ТАШКИЛ ЭТИЛАДИ

Давлатимиз раҳбари туманлар иқтисодиётини соғломлаштириш бўйича чораларни кўрсатиб ўтди. Мутасаддиларга вилоятнинг барча худудларини шундай таҳлил қилиб, қўшимча "ўсиш нуқталари"ни аниқлаш, даромад манбаларини кўпайтириш вазифаси қўйилди.

Бу борада бир қатор режалар ҳам бор. Хусусан, Оҳангарон туманида Ўзбекистон – Венгрия саноат зонаси ташкил этилиб, 100 миллион долларлик лойиҳалар жойлаштирилади. Ангрэн эркин иқтисодий зонасида маиший техника, металл прокат, мева-сабзавотни қайта ишлаш бўйича 400 миллион долларлик, "Элтех индустриал" технопаркида 260 миллион долларлик лойиҳалар амалга оширилади.

7 март куни Президент Шавкат Мирзиёев маҳаллаларда аҳоли даромадини ошириш ва камбағалликни қисқартириш чора-тадбирлари муҳокамаси юзасидан йиғилиш ўтказди.

Жорий йил турли шаклларда 5 миллион аҳолининг бандлиги таъминланиши лозим. Йиғилишда бу алоҳида қайд этилди, 2 миллион кишини тадбиркорликка жалб этиш мақсад қилинган таъкидланди. Бунинг учун давлат томонидан ташкилий ва молиявий имкониятлар яратилган.

Хусусан, 16 триллион сўм ажратилган. Камбағалликни қисқартириш ва бандлик вазирлиги, Маҳаллабай ишлаш агентлиги,

Фермерлар кенгаши жамғармалари томонидан 1,4 триллион сўм йўналтирилади. Энди асосий вазифа имкониятларни жойларда самарали ишлатиб, аҳолига даромад манбаи яратиш беришидир.

Президент топшириғига мувофиқ, Жиззах вилоятининг Галлаорол ва Шароф Рашидов туманлари мисолида бу борада тез натижа берадиган янги механизмлар ишлаб чиқилмоқда. Келгусида бу тизим барча худудларда жорий этилади.

ИҚТИСОДИЁТ ВА МОЛИЯ ВАЗИРИ ҚАНДАЙ ТАКЛИФЛАР БЕРДИ?

Йиғилишда Бош вазир ўринбосари – иқтисодиёт ва молия вазири Ж.Кўчқоров мазкур туманлардаги янги имкониятлар, уларни ишга солиш бўйича таклифларни баён этди.

Унга қўра, ҳар бир маҳаллага иқтисодий комплекс ташкилотлари раҳбарлари бириктирилади. Улар ўзи масъул бўлган маҳалладаги камбағал оилалар билан манзилли ишлаб, одамларнинг даромадини оширишга кўмаклашади. Арзон кредитлар, субсидия ва имтиёзли ресурслар, энг аввало, аҳолини камбағалликдан чиқаришга йўналтирилади. Яширин бизнес қонунийлаштирилиб, расмий иш ўрни кўпайтирилади.

Фермер, деҳқон хўжаликлари ва томорқа ер эгалари кенгаши ҳам маҳаллага масъуллар билан бирга, аҳоли хонадонларида сердаромад экин экишни ташкил қилади.

Янги усуналар ва бозор талабларини маҳаллаларга етказиш орқали аҳолига даромадни оширишни ўргатиш зарурлиги таъкидланди.

Йиғилишда вазирлар ва ҳокимларнинг ҳам фикрлари эшитилди. Вилоят ҳокимларига ривожланишдан орқада қолаётган туманларда намунали ишларни ташкил этиш, ҳар бир маҳалла кесимида ишсизликни камайтириш чораларини кўриш топширилди.

ЎЗХДП ВАКИЛЛАРИ НИМА ДЕЙДИ?

Бугун муаммоларга таслим бўлиш эмас, уларни енгиб ўтиш, ўсиш, ривожланиш, бирни икки қилиш ҳақида ўйлаш керак. Шундагина мураккаб дунёда муносиб ўрнимиз бўлади. Тараққиёт ўз-ўзидан келмайди, унга эришиш учун кўп чигиринлардан ўтилади, муаммолар босқичма-босқич ҳал қилинади, вақти келганда кимгадир қаттиқ гапирингга тўғри келса, кимдир эса яхши ишлагани учун рағбатлантирилади. Энг муҳими, Президентимиз белгилаб берган вазифаларни сидқидилдан, чин кўнгилдан бажарилса, худудларда ўсиш, ўзгариш кузатилади, ўша жойдаги одамларнинг ҳам руҳи баланд, кайфияти

кўтаринки бўлади.

Ўзбекистон Халқ демократик партияси фаоллари, депутатлари давлатимиз раҳбарининг таклиф ва ташаббуслари, кўрсатмаларидан келиб чиқиб, шу ҳақда режалари, вазифалари ҳақида фикр юритмоқда.

Акмал УМАРАЛИЕВ,
Ўзбекистон ХДП Тошкент вилоят кенгаши раиси:

— Йиғилишда вилоятимиздаги айрим туманларнинг иқтисодий-ижтимоий ҳолати танқидий таҳлил қилинди, вазифалар белгиланди. Айтиш керакки, зиммамизга юклатилган вазифалар ниҳоятда масъулиятли. Уларни амалга ошириш учун мутасаддилар билан биргаликда депутатлардан ҳам, партия фаолларидан ҳам фидойилик ва қатъият талаб этилади. Муҳими, бу вазифалар иқтисодиётини янада ривожлантириш, аҳоли турмуш шароитини яхшилашга қаратилган лойиҳаларни ҳаётга татбиқ этишни жадаллаштиришга катта туртки берди.

Тўғри, Тошкент вилояти иқтисодий томондан ривожланиш учун мос худуд. Масалан, Паркент туманида туризм соҳасини, Янгийўл туманида тадбиркорликни ва саноат зонасини ривожлантириш, Чиноз туманида қишлоқ хўжалиги ва замонавий балиқ бозорида савдо ва хизматларни кенгайтириш, Оққўрғонда тўқимачилик корхоналарини ташкил қилиш орқали катта ютуқларга эришиш мумкин, бунинг учун имкониятлар кўп.

Оддий бир мисол, Паркент тумани ўзининг бетакрор табиати билан кўпчиликни ўзига жалб қилиб келяпти. Тоza ҳаво, ям-яшил адирикларга маҳлиё бўлмаган одам йўқ. Сўқоқ сомсасию, кабобининг мазаси оғизда қолади. Бу туризм учун яхши имконият дегани. Демак, ушбу худудда аҳолига хизмат кўрсатиш соҳасини янада ривожлантирсак, туризм учун ҳам йўл очилади. Имконият бор жойда шароит яратилса, бундан қанчадан-қанча инсонларга, оилаларга манфаат етади. Шунинг учун давлатимиз раҳбари туманлар иқтисодиётини соғломлаштириш бўйича чораларни аниқ кўрсатиб ўтди.

Бошланган ишлар, албатта, бажарилади, кўплаб энгилликлар олиб келади. Вилоятимиз аҳли, барча даражадаги мутасаддилар давлатимиз раҳбарининг кўрсатмалари, маслаҳатларидан келиб чиқиб, зиммасига юклатилган масъулиятли вазифаларни шараф билан бажариши лозим. Ҳозир биз ижтимоий-иқтисодий масалалар, белгиланган вазифалар ижроси бўйича депутатлик ва жамоатчилик назоратини кучайтириш учун режаларимизни тузиб оляпмиз.

Коммуна ШЕРМАТОВА,
Чиноз тумани Хотин-қизлар тадбиркорлик маркази раҳбари,
халқ депутатлари Чиноз туман кенгашидаги ЎЗХДП депутати:

— Лойиҳа ва дастурларни мутасаддилар, тадбиркорлар ҳамда вилоятимиз аҳли албатта удалади, деб ўйлайман. Қувонарлик, барча ишларни амалга ошириш учун маблағ бор, коммунакация бор, уни бажарадиган жой ҳамда ишчи кучи бор, тиллога тенг ер бор. Борини кўпайтириш, йўғини эса йўндириш орқалигина янги марраларни забт этиш имкони юзага келади.

Йиғилишда хотин-қизлар ва ёшларни касбга ўқитиш ҳамда бандлигини таъминлаш масалаларига ҳам алоҳида эътибор қаратилди.

Касбимиз тақозоси сабабли кўп хотин-қизлар билан сўхбатлашдим, уларнинг дардига қўлоқ тутдим. Минг афсуски, биздаги аёл киши уйда ўтириши керак, деган жуда нотўғри қарашлар сабаб турли тўсиқлар, муаммолар ҳамон учраб турибди. Қайсидир хунар кўлидан келадиган, қизиқиши, истеъдоди бор аёлларимиз кўп, аммо уларнинг орасида иш бошлаш, кредит олишга қўрқадиганлари ҳам талайгина. Ҳозир оилалардаги бундай нотўғри тушунчалар, аёллар кўрқувини енгиши учун яқиндан кўмак берилмоқда.

Масалан, Тошкент вилояти тадбиркорлик маркази томонидан 2023 йилнинг биринчи ярим йиллигида 16478 нафар бандлиги таъминланмаган, узоқ муддат бола парварлаш таътилида бўлган, мушкул иқтисодий аҳволга тушган аёллар тадбиркорлик ва меҳнат бозорига талаб юқори бўлган касбларга ўқитилди. 1820 нафар аёлга ўз ишини ташкил этиши учун кўмаклашилди, 56 нафар фаолиятини бошлаётган тадбиркор хотин-қизларга маҳаллалардаги бўш турган бинолардан жой ажратилишига яқиндан кўмак берилди.

Тошкент вилоятининг туман ва шаҳарларидаги имкониятларни тўлиқ ишга солиш чора-тадбирлари юзасидан ўтказилган йиғилишда давлатимиз раҳбарини вилоятимиз учун кўпдан-кўп амалий ва истиқболли режаларни айтди. Эндиликда янги лойиҳалар ишга туширилган экан, хотин-қизларни қўллаб-қувватлаш ишлари янада кўпаяди.

Асосийси, боқимандалик кайфиятини баргариф этиш, ишсизларга имкон бериш, имкони борларни эса рағбатлантиришга эришилади. Банд одамнинг ҳаётида мазмун бўлади, эртанги кунга ишончи бўлади, ҳуқуқбузарлик ва турли ёмон нарсалардан, хаёллардан, ахборот хуружларидан ҳимояланади.

"Ўзбекистон овози" муҳбири
Лазиза ШЕРОВА тайёрлади.

HANKORIMIZ

СУВ САРФИ 15 ФОИЗГАЧА ТЕЖАЛАДИМИ?

Илғор немис ишлаб чиқарувчиларидан ташкил топган «Bridge hub» компания вакиллари томонидан пойтахтимизда семинар-тақдимот ўтказилди. Унда Марказий Осиёдаги турли соҳа мутахассислари, жумладан, «Ўзсувтаъминот» акциядорлик жамиятининг масъуллари ҳам иштирок этди.

Тадбир иштирокчилари семинардан асосий мақсад – янги технологияларни жорий этиш, ишлаб чиқарувчилар дуч келадиган муаммоларни ҳал қилиш ҳамда маҳсулот си-

фатини яхшилаш учун самарали ечимни тақдим этиш эканини таъкидлашди.

– Бугунги кунда глобал миқёсда сув танқислиги масаласи долзарблигича қолмоқда, – дейди «Ўзсувтаъминот» АЖ бошқаруви раиси в.б Шохрухали Садиллаев. – Истеъмолдан тортиб ишлаб чиқаришга бўлган барча йўналишда сувнинг ўрни жуда муҳим. Республика миқёсда бир йилда сарфланган сувнинг ўртача 9 фоизи ишлаб чиқаришга, саноатга сарфланади. Шунинг билан

олган ҳолда, «Bridge hub» мутахассислари томонидан Германиянинг илғор компаниялари технологияларини қўллаш орқали Марказий Осиё, хусусан, Ўзбекистонда сув танқислигининг олдини олиш, сув сарфини қисқартиришга қаратилган тизимни жорий этиш тақдимот ташкилотчиларининг асосий мақсади ҳисобланади.

Биргина Ўзбекистонда ишлаб чиқарилаётган лак-бўёқ маҳсулотларини немис технологияси асосида ишлаб чиқаришда жорий



«Ўзсувтаъминот» АЖ бошқаруви раиси в.б Шохрухали Садиллаев



сув сарфини 15 фоизгача қисқартиришга эришилиши мумкин. Тақдимот ташкилотчиларининг фикрича, бу жараёнда энерго тежамкор воситалар ва экостандартларга мувофиқ воситалардан фойдаланиш экологик муҳитга ортқича ташланмалар чиқарилишининг олдини олади.

Тақдимотнинг асосий қисмида йиғилганларга лак-бўёқ ишлаб чиқариш технологияси ҳақида маълумот берилди. Жумладан, сифатли хом ашё билан таъминлаш, лаборатория текширувларини ўтказиш, сифатли ускуналар сотиб олиш, маҳсулотларнинг рақобатбардошлигини ошириш ҳақида тўхталиб ўтилди.

Шунингдек, «Bridge hub» компанияси томонидан республика миқёсда кадрларнинг хорижда таҳсил олиш имконини яратиш, ишлаб чиқариладиган маҳсулотларнинг жаҳон стандартларига мувофиқлигини таъминлаш орқали экспорт ҳажмини ошириш, Ўзбекистонда илғор ишлаб чиқариш лабораторияларини жорий этиш лойиҳалари илгари сурилди.

Семинар фарб технологлари ва Марказий Осиё ишлаб чиқарувчилари ўртасида яқин ҳамкорликни рағбатлантириш, тажриба ва маълумот алмашиш учун ноёб платформани тақдим этди. Шу билан бирга, «Bridge hub» мутахассислари «Eco systems»нинг европалик ҳамкорлари билан бизнесни ривожлантириш йўлида зарур ёрдам кўрсатиши мумкин бўлган стартап лойиҳаларни яратиш бўйича таклифларни илгари сурди.

Тоштемир ХУДОЙҚУЛОВ,
«Ўзбекистон овози» мухбири

Эълон

«QO'YLIQ DEHQON BOZORI» АКЦИЯДОРЛИК ЖАМИЯТИНИНГ 2023 ЙИЛ ЯКУНЛАРИ БЎЙИЧА БУХГАЛТЕРИЯ БАЛАНСИ ВА МОЛИЯВИЙ НАТИЖАЛАРИ

(минг сўм)

№	Актив	Сумма	Пассив	Сумма
1.	Асосий воситалар қолдиғи	7108279,0	Устав капитали	1352225,0
2.	Узоқ муддатли инвестиция	421538,0	Захира капитали	8220654
3.	Ўрнатиладиган асбоб-ускуналар	-	Тақсимланмаган фойда, зарар	2056593,0
4.	Капитал қўйилмалар	-	Мақсадли тушумлар	-
5.	Товар-моддий захиралар	55595,0	Қўшимча капитал	79975,0
6.	Кечиктирилган харажатлар	-	Бюджет бўйича қарзлар	92686,0
7.	Пул наблаглари	2144943,0	Меҳнатга ҳақ тўлаш қарзи	-
8.	Дебиторлар жами	2271287,0	Бюджетдан ташқари қарзлар	-
9	Бошқа жорий активлар	-	Бошқа кредиторлик қарзлар	199509,0
	Актив бўйича жами	12001642,0	Пассив бўйича жами	12004642,0

Молиявий натижалар:

(минг сўм)

Кўрсаткичлар номи	Ўтган йилнинг шу даврида		Ҳисобот даврида	
	Даромадлар	Харажатлар	Даромадлар	Харажатлар
Маҳсулот (товар, иш ва хизмат)ларни сотишдан тушган соф тушум	12695955,0	x	13028295,0	x
Сотилган маҳсулот (товар, иш ва хизмат)ларнинг таннархи	x	736542,0	x	141468,0
Маҳсулот (товар, иш ва хизмат)ларни сотишнинг ялли фойдаси (зарари)	11959413,0	-	12886827,0	-
Давр харажатлари жами	x	10950177	x	10343078,0
Асосий фаолиятнинг фойдаси (зарари)	1009236,0	-	2543749,0	-
Молиявий фаолиятнинг даромадлари жами	390042,0	x	58124,0	x
Умумхўжалик фаолиятнинг фойдаси (зарари)	1399278,0	-	2601873,0	-
Даромад (фойда) солиғини тўлангунга қадар фойда (зарар)	1399278,0	-	2601873,0	-
Даромад (фойда) солиғи	x	293981,0	x	545280,0
Бошқа солиқлар	x	-	x	-
Ҳисобот даврининг соф фойдаси (зарари)	1105297,0	-	2056593,0	-

«QO'YLIQ DEHQON BOZORI»

АКЦИЯДОРЛИК ЖАМИЯТИ АКЦИЯДОРЛАРИ ДИҚҚАТИГА!

«Qo'yliq dehqon bozori» АЖ Кузатув кенгаши 2024 йил 4 апрель куни соат 12:00да акциядорларининг навбатдаги умумий йиғилиши ўтказилишини маълум қилади.

Умумий йиғилиш жамият маъмурий биносидан ўтади.

Манзил: 100080, Тошкент шаҳри, Бектемир тумани, Фарғона йўли кўчаси. Бозор майдони.

Эл.почта манзили: info@kuylyuk-bozori.uz

Акциядорларни рўйхатга олиш соат 11:00 дан 12:00 гача амалга оширилади.

Акциядорлар навбатдаги умумий йиғилишини ўтказиш тўғрисида хабар қилиш учун жамият акциядорлари реестрини шакллантириш санаси 2024 йил 7 март.

Акциядорлар навбатдаги умумий йиғилишида қатнашиши ҳуқуқига эга акциядорлар реестрини шакллантириш санаси 2024 йил 29 март.

КУН ТАРТИБИ:

1. Саноқ комиссияси аъзолари сони ва шахсий таркибини тасдиқлаш;
2. Жамият акциядорларининг умумий йиғилиши регламентини тасдиқлаш;
3. Жамиятнинг ижроия органи ва кузатув кенгашининг йиллик ҳисоботини, жамиятни ривожлантириш стратегиясига эришиш бўйича кўрилатган чора-тадбирлар тўғрисидаги ҳисоботларини эшитиш;
4. Жамиятнинг 2023 йил молиявий-хўжалик фаолияти якуни бўйича аудиторлик ташкилотининг МБҲС бўйича аудиторлик ҳулосасини кўриб чиқиш;
5. Жамиятнинг 2023 йил якуни бўйича йиллик ҳисоботини тасдиқлаш;
6. Жамиятнинг 2023 йил якуни бўйича фойда ва зарарлари ҳисоб варағини тасдиқлаш ва унинг фойдасини тақсимлаш;
7. Жамият директорининг меҳнат шартномаси масаласи;
8. Жамиятнинг 2024 йилга мўлжалланган «Бизнес-режаси»ни ҳамда «Даромадлар ва харажатлар сметаси режаси»ни тасдиқлаш;
9. Жамиятнинг Кузатув кенгашини сайлаш;
10. Жамиятда ўтказилган Корпоратив бошқарув тизимини баҳолаш натижаларини кўриб чиқиш;
11. Жамиятнинг 2024 йил фаолияти учун жамият аудиторини тасдиқлаш ва унга тўланадиган ҳақнинг энг кўп миқдори чегарасини белгилаш;
12. Эгаси ёки эгасининг қонуний ҳуқуқий вориси ёхуд меросхўри томонидан 3 йил ичида талаб қилиб олинмаган дивидентларни жамият ихтиёрида қолдириш;
13. Жамиятнинг ташкилий тузилмасига ўзгартириш киритиш ва қайта тасдиқлаш.

«ҚЎЙЛИҚ ДЕХҚОН БОЗОРИ» АЖ ТАНЛОВ ЭЪЛОН ҚИЛАДИ:

«Қўйлиқ деҳқон бозори» АЖнинг 2024 йил якуни бўйича молиявий ҳисоботларини Миллий аудит стандартлари халқаро аудит стандартларига мувофиқ ташқи аудит текширувидан ўтказиш учун аудиторлик ташкилотини танлаш бўйича ўтказиладиган танловга таклифлар қабул қилинади.

Танлов комиссияси номи ва жойлашган жойи:
«Қўйлиқ деҳқон бозори» АЖ Кузатув кенгаши, Тошкент шаҳри, Бектемир тумани, Фарғона йўли кўчаси, бозор майдони.

Танлов учун таклифларни тақдим қилиш жойи ва муддатлари:

Таклифлар «Қўйлиқ деҳқон бозори» АЖга 25 март 2024 йилгача тақдим қилиниши лозим

Танловда қатнашиш учун аудиторлик ташкилотига қўйиладиган талаблар:

- танловда қатнашиш бўйича таклиф, аудитор текширувидан ўтказиш ва баҳолаш хизмати нархи кўрсатилган ҳолда;
- аудитор фаолиятини юритиши бўйича лицензия нусхаси;
- ташкилот ҳақида маълумотлар (умумий маълумотлар, тарихи, боғлиқлиги маълумотлари);
- ташкилотнинг йирик мижозлари рўйхати ва тажрибаси бўйича маълумотлар;
- аудиторнинг квалификация сертификати ва бошқа халқаро сертификатлари нусхалари;

- «Аудит бўйича ХАС» (МСА) сертификати эга бўлиш.


- суғурта полиси нусхаси;

- аудит текшируви ўтказиш методикаси ва аудиторлик ҳисоботи андозаси;

- бошқа ҳужжатлар.

Шунингдек, таклифлар жамиятнинг қуйидаги электрон манзилига юборилиши мумкин: info@kuylyuk-bozori.uz

Танлов бўйича қўшимча маълумотлар учун тел: +998 (71) 295-94-36.



«OSKAR» 2024



11 mart kuni "Oskar"ning 96-muqofotlash marosimi Los-Anjellesdagi Dolby teatriда бўлиб ўтди. Маросимнинг кулминациясида "Оппенхаймер" фильми етти мукофотга муносиб кўрилди, энг кўп номинацияда ғалаба қозонган фильм бўлди. Филмда

бош ролни ижро этган Киллиан Мерфи "энг яхши актёр" номинациясида ғолиб бўлди. Шу билан бирга, "Бахтсиз бечоралар" картинаси тўртта мукофотга сазовор бўлиб, Эмма Стоун фаолиятида иккинчи бор "энг яхши актриса" номинациясида ғолиб бўлди.



Энг яхши фильм
"ОППЕНХАЙМЕР"

Энг яхши режиссёр
КРИСТОФЕР НОЛАН, "ОППЕНХАЙМЕР"

Энг яхши актёр
КИЛЛИАН МЕРФИ, "ОППЕНХАЙМЕР"

Энг яхши актриса
ЭММА СТОУН, "БАХТСИЗ БЕЧОРАЛАР".

Энг яхши иккинчи пландаги актёр
РОБЕРТ ДАУНИ(КИЧИК) "ОППЕНХАЙМЕР"

Энг яхши иккинчи пландаги актриса
ДАВАЙН ЖОЙ РЭНДОЛФ, "ТАШЛАБ КЕТИЛГАНЛАР".

Энг яхши ҳужжатли фильм
"МАРИУПОЛДА 20 КУН"

Энг яхши хорижий тилда олинган фильм
"ҚИЗИҚИШЛАР ХУДУДИ"

Энг яхши кўшиқ
БИЛЛИ АЙЛИШ ВА ФИННЕАС, «БАРБИ».

"БИЗНЕСНИ РИВОЖЛАНТИРИШ БАНКИ"

ЯПОНЧА ТАЖРИБА ЖОРИЙ ҚИЛИНАДИ



"Бизнесни ривожлантириш банки" АТБ "Кичик бизнесни узлуксиз қўллаб-қувватлаш" комплекс дастури самарали амалга ошириш ва уни доимий равишда такомиллаштириб бориш бўйича асосий таянч банк сифатида белгиланган.

Дастурга асосан ташаббускорларнинг бизнес кўникмаларини шакллантириш йўналишидаги қисқа ва ўрта муддатли амалий ўқув курслари банк томонидан ҳудудларда ташкил этилган 14 та "Кичик бизнесга кўмаклашиш марказлари"да олиб борилади.

Давлатимиз раҳбарининг ташаббуси билан тадбиркорларни ўқитиш жараёнига "Япония тажрибаси"ни татбиқ этиш ва бу борада Япониянинг етакчи таълим муассасалари билан ҳамкорликни йўлга қўйишга алоҳида эътибор қаратилмоқда.

Жорий йилнинг 7 март кuni Токио шаҳрида бўлиб ўтган Ўзбекистон - Япония бизнес форуми да-

вомида "Бизнесни ривожлантириш банки" АТБ Бошқаруви раиси Сахи Аннакличев ва Ямагата университети президенти Хедитоши Тамате томонидан имзоланган шартнома ҳам айнан шу эзгу мақсадга қаратилган.

Ўзаро келишувга мувофиқ, республикамиздаги 10 минг нафар тадбиркор Япония тажрибаси асосида ўқитилади ва менторлар тайёрланади. Мазкур келишув банк ва университет ўртасида ўтган йилнинг ноябрь ойидан ўрнатилган ҳамкорлик алоқаларининг амалий самараси ҳисобланади.

Япониянинг нуфузли университети билан ҳамкорликда ўтказиладиган ўқув курсларида тадбиркорлар бизнес кўникмаларини ривожлантириш, бизнес-режани ишлаб чиқиш, лойиҳаларни молиялаштириш манбаларини топиш каби йўналишларда ўқитилади.

Шунингдек, япониялик мутахассислар кўмағида маҳаллий кадрлар орасидан менторлар тайёрланади.

Келгусида "Кичик бизнесга кўмаклашиш ҳудудий марказлари"даги тадбиркорларни ўқитиш ишлари менторлар томонидан ташкил этилиши режаланмоқда.

Эслатиб ўтамиз, "Кичик бизнесни узлуксиз қўллаб-қувватлаш" комплекс дастури доирасидаги амалий ўқув курсларини муваффақиятли тамомлаган ташаббускорлар "Бизнесни ривожлантириш банки" томонидан жорий этилган молиявий қўллаб-қувватлаш дастакларидан фойдаланиши мумкин.

Маълумот учун, 1949 йилда ташкил этилган Ямагата университети Япониянинг миллий университети бўлиб, жаҳондаги энг яхши 600 университетлари қаторига қиради. Ямагата университети 18 мамлакатдаги 48 та университет ва институтлар билан ҳамкорлик қилади.

Тоштемир ХУДОЙҚУЛОВ,
"Ўзбекистон ovozi" мухбири.

7 ХАБАР

СЕНАТ РАИСИ БМТНИНГ 68-СЕССИЯСИДА ИШТИРОК ЭТМОҚДА

АҚШнинг Нью-Йорк шаҳрида БМТ Аёллар ҳолати бўйича комиссиянинг 68-сессияси бўлиб ўтмоқда. Унда Олий Мажлис Сенати Раиси, Хотин-қизларнинг жамиятдаги ролни ошириш, гендер тенглик ва оила масалалари бўйича республика комиссияси раиси Танзила Норбоева бошчилигидаги Ўзбекистон делегацияси иштирок этмоқда.

Сессия қашшоқликни бартараф этиш, институтлар салоҳияти ва молиялаштиришни кучайтириш орқали гендер тенгликка эришиш ва барча хотин-қизлар имкониятларини кенгайтиришга бағишланади.

Ташриф доирасида, шунингдек, БМТ тузилмалари раҳбарлари, қатор давлатларнинг Президентлари, ҳукумат раҳбарлари ва вазирлари билан икки томонлама учрашувлар ўтказилиши режалаштирилган.

БОШ ВАЗИР ТОЖИКИСТОНГА БОРДИ

Ўзбекистон Республикаси Бош вазири Абдулла Арипов 11 март кuni Тожикистон Республикасига келди, дея хабар берди "Ховар" агентлиги.

Душанбе халқаро аэропортида юқори мартабали меҳмонни Тожикистон Республикаси Бош вазири Қоҳир Расулзода ва бошқа расмийлар кутиб олди.

Ташриф давомида Тожикистон Республикаси Президенти Эмомали Раҳмон Бош вазири Абдулла Ариповни қабул қилиши кўтилмоқда. Шунингдек, 12 март кuni Душанбе шаҳрида Тожикистон ва Ўзбекистон Бош вазирлари ўртасида учрашув бўлиб ўтиши режалаштирилган.

МДХ МИССИЯСИГА ИЛҲОМ НЕЪМАТОВ БОШЧИЛИК ҚИЛАДИ

Мустақил Давлатлар Ҳамдўстлигига аъзо мамлакатлар доимий ваколатли вакиллари кенгаши қарори билан Россиядаги Президент сайловида МДХ кузатувчилар миссиясига Илҳом Неъматов бошчилик қиладиган бўлди.

Россия Федерацияси Президенти сайлови 2024 йил 15-17 март кунлари ўтказилиши белгиланган. МДХ Ижроия қўмитаси матбуот хизмати хабар беришича, Россия томони таклифига кўра, кузатувчилар миссияси сайлов кампаниясини мамлакат қонунчилигига таянган ҳолда, Ҳамдўстликка аъзо давлатларда демократик сайлов стандарти, ҳуқуқи ва эркинлиги тўғрисидаги Конвенция, МДХ кузатувчилар миссияси тўғрисидаги Низомга мувофиқ кузатиб боради.

– Миссиянинг баҳоси фақат шахсий кузатув ҳамда бошқа манфаатдор давлат органлари тақдим этган расмий маълумот ва далилларга асосланади, – деди Илҳом Неъматов журналистларга берган интервьюсида.

ЎЗБЕКИСТОН – ФРАНЦИЯ УНИВЕРСИТЕТИ ТАШКИЛ ЭТИЛАДИ

Олий таълим, фан ва инновациялар вазирлиги хабарига кўра, 11 март кuni олий таълим, фан ва инновациялар вазирлиги Кўнғиротбой Шарипов Франциянинг мамлакатдаги фавқулодда ва мухтор элчиси Орелия Бушез билан учрашди.

Томонлар икки давлатнинг олий таълим, профессионал таълим, илм-фан ва инновациялар соҳасида ҳамкорлиги ҳамда ўзаро алоқаларни янада мустаҳкамлаш йўлида ишларни муҳокама қилди.

Тошкент шаҳрида Ўзбекистон – Франция университетини ташкил этиш, жорий йил сентябрь ойидан университетнинг тайёрлов курсларини очиб, ўқув режалари, таълим дастурларини яратиш ва тасдиқлаш, профессор-ўқитувчиларни жалб этиш каби масалалар кўриб чиқилди.

ИККИТА БЕКАТ ИШГА ТУШДИ

11 мартдан Тошкент метрополитени лойиҳасининг иккинчи босқичи доирасида «Турон» (13-бекат) ва «Қипчоқ» (14-бекат) бекатлари одатий тартиб асосида йўловчилар учун хизмат кўрсатишни бошлади.

Транспорт вазирлиги маълумотига кўра, «Ўзбекистон мустақиллигининг ўттиз йиллиги» деб номланган ер усти метро халқа йўли Сергели линияси билан боғланиши натижасида Тошкент метрополитени йўналишлар тармоғининг умумий узунлиги 71 километрга етган. Метрополитен бекатлари сони эса 50 тани ташкил этмоқда.

Эслатиб ўтамиз, мазкур бекатлар ишга тушиши билан пойтахтнинг Яшнобод, Миробод, Сергели ва Янгиҳаёт туманларидаги 62 та маҳаллада яшовчи 251 минг аҳоли метрополитен хизмати билан қамраб олинди.

БОКСЧИЛАРДА "ПАРИЖ-2024"ГА БЕШТА ЙЎЛЛАНМА

Италиянинг Бусто-Арсизио шаҳрида "Париж-2024" Олимпия ўйинлари учун йўлланма берувчи I жаҳон квалификациян турнирида миллий терма жамоамизнинг 9 нафар аъзоси йўлланма учун кураш олиб борди.

Мусобақада -50 кг вазн тоифасида Сабина Бобоқулова Олимпия йўлланмасини қўлга киритди. Эркаклар орасида Руслан Абдуллаев (-63,5 кг), Асадхўжа Мўйдинхўжаев (-71 кг), Тўрабек Ҳабибуллаев (-80 кг) ва Лазизбек Муллажонов (-92 кг) ўз вазн тоифаларида тўрт йилликнинг энг нуфузли мусобақаси лицензиясига эга чиқди.

Бугунги кунга қадар эркаклар терма жамоамиз 7 та вазнда (тўлиқ таркиб), аёллар терма жамоамиз эса 2 вазнда Олимпия ўйинлари йўлланмасини қўлга киритди. Энди аёл боксчиларимиз 4 та вазн тоифасидаги йўлланма учун 23 май – 5 июнь кунлари Таиландда бўлиб ўтадиган II жаҳон квалификациян турнирида иштирок этади.

ЛОНДОНГА ПАРВОЗЛАР КЎПАЙТИРИЛАДИ

Uzbekistan Airways Тошкентдан Лондоннинг Гатвик аэропортига авиақатновни йўлга қўйиб, Тошкент-Лондон йўналишидаги парвозларни ҳафтасига учтага етказишни маълум қилди. 7 апрелдан бошлаб Ҳитроу аэропортига доимийдек ҳафтасига иккита, Гатвик аэропортига эса битта рейс амалга оширилади.

Ҳитроу аэропортига қатновлар сешанба ва жума кунлари, Гатвик аэропортига яқшанба кунлари амалга оширилади.

Аввалроқ 14 мартдан бошлаб Польшанинг LOT Polish Airlines компанияси Тошкентдан Варшавага тўғридан тўғри рейсларни йўлга қўйиши хабар қилинганди. Парвозлар ҳафтасига уч марта амалга оширилади.

МУАССИС:



O'ZBEKISTON
XALQ DEMOKRATIK
PARTIYASI
MARKAZIY KENGASHI

O'zbekiston ovozi

TAHRIR HAY'ATI:

Ulug'bek INOVATOV Muslihidin MUHIDDINOV
Ulug'bek VAFOYEV Hayotxon ORTIQBOYEVA
Maqsuda VORISOVA Shuhrat ISLOMOV
Qalandar ABDURAHMONOV Toshtemir XUDYOQULOV
Guliston ANNAQILICHEVA

Bosh muharrir: To'liqin TO'RAXONOV

MANZILIMIZ: 100135, Toshkent, Bunyodkor shoh ko'chasi, 50 «A»-uy.

Телефонлар: (71) 239-12-14

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxonа manzili: Buyuk Turok ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV
Sahifalovchi: Bekzod ABDUNAZAROV

Г — 337. 3557 nusxada bosildi. O'za yakuni —
Nashr ko'rsatkichi — 220. Topshirilgan vaqti — 22:30

t — Tijorat materiallari 1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.